

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Paasissutissiissutit**

**Imm. 02 PPR-ip immikkullu atuartitsinerup Namminersorlutik Oqartussanit kommuninut tunniunneqarnissaat pillugu tusarniummut paasissutissiissut.**

**Imm. 03 Imigassamut katsorsartinniartunut sullissisarnerup Namminersorlutik Oqartussaniit Kommuninut nuunneqarnissaat pillugu tusarniaanermut paasissutissiissut.**

**Imm. 04 Innarluutilinnik sullissinerup Namminersornerullutik Oqartussaniit Kommuninut nuunneqarnissaanik pillugu tusarniaanermut paasissutissiissut.**

**Imm. 05 Niaqunngunami olivinnisiorfiup matuneqarnissaanik ilisimatitsissut.**

**Imm. 06 Aluminiumik aatsitsiviliornissamik pilersaarutip aningaasaqarnikkut sunniutai – Niramit nalunaarusiaq pillugu paasissutissiissut**

**Imm. 07 Qeqqata Inuutissarsiornermut Siunnersuisoqatigiivisa tunissasiat ineriartortinnissaat pillugit isumasioqatigiisitsinissaanik tapersiineq pillugu paasissutissiissut.**

**Aningaasaqarnermut tunngasut**

**Imm. 08 Aningaasaqarnermut ataatsimiititaliap I-ip naanerani aningaasaqarnermut nalunaarusiaa.**

**Imm. 09 2011-mi missingersuusiornissamut 2012-imiillu 2014-imut missiliuutissatigut pingaarnertut piffissaliussassat.**

**Imm. 10 2010-mi missingersuutitigut iluarsiiissutissat – 8.2.2010-mi malinnaatinneqarpoq.**

**Imm. 11 2011-mi aningaasanut inatsisissamut sanaartugassatut kissaatigisat qinnutiginnissaaat.**

**Imm. 12 Sisimiut illoqarfiani atuarfiit nutarterneqarnissaat.**

**Imm. 13 Immikkut aningaasaliissutinik qinnuteqaat - Sisimiuni ikuaallaavik pillugu nassuiaat.**

**Imm. 14 Missingersuutini nuutsineq - Ilinniartut inissaanni 30-isuni isaarissanik innaluutilinnut naleqqussaanissaq pillugu missingersuutip A-p iluarsineqarnissaa.**

**Imm. 15 Ulluunerani paarsisarfiit nerisitsisarnissaannut missingersuutini nuutsineq.**

**Imm. 16 Kangerlussuarmi sunngiffimmi sammisassarititanik nutarterinissamut Kangerlussuarmi aallaarsimaartarfimmit/illuaraq piniariartarfimmit nuutsinissaq.**

**Imm. 17** Maniitsup siunissami ineriartornissaa pillugu innuttaasut nalunaarusiaannik ingerlatseriaqqinnissaq – missingersuutini nuutsineq.

**Suliassat nalinginnaasut**

**Imm. 18** Kommunip pilersaarutaanut tapiliussaq nr. 37.

**Imm. 19** NORA pilersaarut – ”Communities for Change”.

**Imm. 20** Kommunip suliassaataanik suliariumannittussarsiuussineq.

**Imm. 21** Inuutissarsiuutitigut 2010-mut pilersaarut.

**Imm. 22** KANUKOKA-p 2010-mi maajimi Ilulissani aallartitanut ataatsimiisitsinissaanut ilaasortaanermut akiliutaasartoq pillugu oqaluuserisassatut siunnersuut.

**Imm. 23** Aningaasarsianit akileraarutit pillugit inatsisartut inatsisaata oqaaseqaatitai ilanngullugit allannguutissaattut siunnersuutip tusarniutigineqarnera – 8.2.2010-mi malinnaatinneqarpoq

**Sulisogarnermut tunngasut**

**Imm. 24** Atorfeqartitanut tunngasutigut paasissutissiineq.

**Imm. 25** Tamalaat.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Ataatsimiinneq aallartippoq nal. 08.38  
Ataatsimiinneq videokonferenci atorlugu ingerlanneqarpoq.

*Peqataasut:*

***Atassut***

Søren Alaufesen, Sisimiut  
Karl Davidsen, Maniisoq

***Inuit Ataqtigiit***

Katrine Larsen Lennert, Sisimiut

***Siumut***

Hermann Berthelsen, Sisimiut  
Karl Lyberth, Maniitsoq

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.

Imm. 21 kommunalbestyrelsimut ingerlannginnerani iluarsisassartai aaqqinneqassapput.

**Imm. 02 PPR-ip immikkullu atuartitsinerup Namminersorlutik Oqartussanit kommuninut tunniunneqarnissaat pillugu tusarniummut paasissutissiissut**

*Journalnr. PPR*

Tunuliaqutaq

PPR immikkullu atuartitsinerup Namminersorlutik Oqartussanit kommuninut tunniunneqarnissaat pillugu KANUKOKA 2009-mi novembarip 10-ani tusarniummik nassitsivoq.

Maleruagassatigut tunngavissat

Atuarfik pillugu inatsisartut peqqussutaat nr. 8, 2002-mi maajip 21-aneersumi § 15 aamma Meeqqat atuarianni immikkut ittumik atuartitsisarneq aammalu allamik immikkut perorsaanikkut ikiorsisarneq pillugu Namminersornerullutik Oqartussat nalunaarutaat nr. 22, 1998-imi juulip 23-aneersoq aallaavigalugit PPR sulisarpoq. Taakku kingunerisaanik atuartunik pineqartunik tarnikkut atukkatigut misissuinikkut, nalilersuinikkut siunnersuinikkullu perorsaanikkut tarnikkullu siunnersuisarneq Naalakkersuisut susassaqaarfigaat.

Pissutsit atuuttut

PPR-ip immikkullu atuartitsinerup kommuninut tunniunneqarnissaat pillugu 2008-mi tusarniutigineqartumut atatillugu paasissutissat annertunerusut pissarsiarineqarnissaat kommunit ilaasa kissaatigaa. Tamanna tunuliaqutaralugu suleqatigiissitaq suliaqarpoq, kommunillu kissaataat naapertorlugu akunnerit qinnutigineqartut Namminersorlutik Oqartussaniillu tunniunneqartut pillugit Nammersorlutik Oqartussat paasissutissanik nutaanik tunniussillutik.

KANUKOKA-p allatseqarfiata nalilerpaa, PPR-ip immikkullu atuartitsinerup tunniunneqarneratigut suliamut attuumassutinik suliaqarneq nukittorsarneqassasoq, soorluttaaq pitsaannerusumik ataqatigiissaarinnaalertoqarlunilu nukissat eqaannerusumik atorluarneqarnerulersinnaassasut. Taamaattumik KANUKOKA-p allatseqarfiata innersuussutigaa, PPR immikkullu atuartitsinerup 2010-mi juulip aallaqqaataani kommuninut tunniunneqassasut. Tamatuma saniatigut KANUKOKA-p kissaatigaa, Aningaasanut inatsisitigut siunertanut aningaasat immikkoortinneqarsimasut tunniussinerup malinnaatinneqassasut.

Siulersuisut innersuussutigaa, PPR immikkullu atuartitsinerup 2010-mi juulip aallaqqaataani kommuninut tunniunneqassasut.

Aaqqissuussaaneq

Ullumikkut Kujataani PPR-ip Ittoqqortoormiit, Nanortalik, Narsaq, Qaqortoq Paamiut aamma Ivittuut sullitarai.

Avannaani PPR-ip Qaanaaq, Upernavik, Kangaatsiaq, Aasiaat, Qasigiannugit, Qeqertarsuaq aamma Ilulissat sullitarai.

Kommunit tullinnguuttut PPR-imik tigusererput: Nuuk, Maniitsoq, Sisimiut, Uummannaq aamma Tasiilaq. 2009-mut aningaasat tapiissutigineqartussat 1 mio. kr.-iussangatinneqarput.

Suliatigut suleriaaneq, ullumikkut suliassaq qanoq sularineqarpa.

Atuarfeqarfinni immikkut atuartinneqartunut atuartitsinerup pitsaassusaa sunniutaalu qaffassarumallugu perorsaaniikkut tarnikkullu siunnersuillutik allaffeqarfiit atuarfeqarfinnut siunnersuisarput. Tamatuma saniatigut immikkut atuartinneqartartuni atuartitsinerup pitsaassusaata aamma eqaatsumik, sunniuteqarluartumik anguniagalimmillu ingerlanneqarnerata qaffassarneqarnissaanut peqataasarlutik.

PPR-ip allaffeqarfii nammineq ingerlapput. Suleqatigiissitap sulineranut atatillugu PPR-ip allaffeqarfii suliaminnik allaaserinnillutik suliniarnermut taperseeqquneqarsimapput: ”PPR sulerisarpa? atuarfeqarfimillu PPR qanoq atortarpaat?”

PPR sulerisarpa?

Atuarfeqarfinnit, angajoqqaanit atuartuniilluunniit saaffiginnittoqaraangat PPR qisuariartarpoq. Saaffiginnissutit taakku allakkatigut, oqarasuaatikku namminerluunniit takkulluni saaffiginnissuteqarnikkut pisarput.

Nunap immikkoortortaani atuarfeqarfinnut PPR angalasarpoq, tassanilu atuarfiit kissaataat naapertorlugit sulisoqartarluni.

Atuarfiup immikkut atuartitsinissamik neqeroorutaannut PPR siunnersuisarpoq kiisalu PPR-ip immikkut atuartitsinerup pitsaassusaa qulakkeertussaammagu, atuarfeqarfinni immikkut atuartitsinerit nakkutigineqarput.

Suliap qanoq ittuunera apeqquaatillugu PPR ilaatigut tullinnguuttunik suliaqartarpoq:

- Atuartunik/angajoqqaanik oqaloqateqarneq.
- Ilinniartitsisunik attuumassuteqartunik oqaloqatiginnittarnerit.
- Tarnikkut atukkatigut misissuinerit.
- Perorsaanermi misiliinerit (atuaanikkut, nalinginnaasumik ineriartorneq, kisitsineq il.il.)
- Atuaqatigiinni malinnaaneq.
- Atuaqatigiinni angajoqqaatigiinnilluunniit paasisitsiniaaneq.
- Ilinniartitsisunut pikkorissartitsinerit annikinnerusut.

Atuarfiit PPR qanoq atortarpaat?

Pisuni tamani PPR akulerunneqartillugu angajoqqaat atuartullu tamanna pillugu oqaloqatigineqareernerisigut atuartup angajoqqaavi akuersitillugit atsiortinneqarsimasassapput. Ilinniartitsisutut atuartup ineriartornea ernumassutigineqarpat, immikkut atuartinneqartartuni siunnersortaalluni ilinniartitsisoq atuarfimmilu pisortaq suleqatigalugu tamanna pillugu PPR-imut saaffiginnissuteqartoqarsinnaavoq.

Tamatuma saniatigut atuaqatigiinnik atuartitsinissami imaluunniit atuartitsineri ajornartorsiut aalajangersimasoq pillugu siunnersorneqarnissamik pisariaqartitsisoqartillugu PPR saaffigineqarsinnaavoq.

Atuarfiup pisortaa atuartumik PPR-ip misissorneqarnissaanut innersuussisinnaavoq. Tamanna atuarfinni pigineqartup eqitsisip immersorneratigut pissaaq. Atuartup ikiorserneqarnissaanut atuarfiup periarfissai tamakkerlugit iluatsinngitsumik misilinneqareerpata PPR-imut innersuussisoqartarpoq, imaappoq atuartut avillugit atuartinneqarsimappata, suleqatigiikkuutaarlugit atuartinneqarsimappata, atuaqatigiit tapersorneqarsimappata, arlaatigut immikkut atuartitsineq misilinneqarsimappat il.il.

PPR-imi sulisut amerlineqarnissaat pillugu isumaqatiginniutissat siunnersuut:

1: Meeqqanut 440-t missaanniittunut sulisoq ataaseq aallaavigineqassaaq. Kontorfuldmægtig-it sulianik ingerlatsisinnaanngimmata matumani eqqarsaatigineqanngillat. Meeqqat PPR-imilu sulisut amerlassusaat aallaavigalugit Danmark-imi misissorniarneqarsimagaluarpoq, kisianni nikerarnermut Kalaallit Nunaannilu pissutsinut aallaavigineqarsinnaagunarani.

2: Kommunit namminneq PPR-eqareersut immikkoortumut annertuumik aningaasaliissuteqartareeramik tullinguuttumi siunnersuutigineqartoq annikinnerusumik iluaqutigissavaat. Kommunit sisamaasut tamarnik assigiimmik atugassaqartinneqassappata akisussanganineqarpoq, aningaasallu minnerpaat atorlugit pineqartut tamarnik assigiimmik pineqanerinit immikkoortup tamassuma tunniunneqarnissaa tunniunneqarneranilu sulisut amerlineqarnissaat uagutsinnut pingaarnerpaavoq.

**VSP akunnerit pillugit isumaqatiginniutissat siunnersuut.**

VSP tassaapput PPR-ip pingaarnertut suliaasa ilaat. Atuartut immikkut atuartinneqarnissamik pisariaqartitsisut misissuiffigineqarnissaat malinnaaffigineqarnissaallu qulakkiigassat suliassat ilagivaat, aammali Atuarfitsialaap siunertaata malinnaaffigineqarnissaanut nalinginnaasumik atuartinneqartut piffissap ingerlanerani inissaqarnerulersinneqarnissaat suliassaavoq.

1) VSP-mut aningaasat amerlanerusut.

Kommunini PPR-it allaffiinit misilittakkat takutippaat, immikkullu atuartitsinermut aningaasaliissutigineqartartut siunertamut aningaasartuutigineqartartunut sanilliullugit amigartut.

Ukiut ingerlanerini Namminersornerullutik Oqartussanit kiffartuunneqarneq killeqarsimangaarmat, meeqqat ikiorserneqarnissaminnik pisariaqartitsisut misissorneqarsimasinnaanngillat VSP-nillu tunineqarsinnaasimanatik. Sulisut amerlineqarnerisigut, soorlut tamanna kommunini PPR-ip allaffiini taama pisoqartoq, atuartut ajornartorsiutillit amerlanerit ikiorserneqarsinnaalissapput. Tarnikkut atugarliuutit ineriartormilulu kingusissumik ineriartorneq inuiaqatigiinni aamma nalinginnaasumik eqqumaffiginiarneqarnerulersimapput, tamatumalu kingunerissanik meeqqat tarnikkut atugarliuuteqartut ineriartorminnilu kingusissut amerlanerusut paasineqarlutik. Meeqqat inuusuttullu taakku immikkut atuartinneqartarnissaminnik pisariaqartitsiarput, immikkullu atuartitsinernut aningaasartuutit qaffakkiartuinnarlutik.

Immikkut atuartitsinermi aningaasat kommuninut tunniunneqarnerinut atatillugu ullumikkut Namminersorlutik Oqartussani immikkoortumut aningaasat atorneqartartut qaffanneqassapput.

Aningaasartuutit ukiunut qulinut piffissalikkamik qaffanneqarnissaat ilaatigut innersuussutigineqarsinnaavoq. Atuartut amerlanerusut nalinginnaasumik meeqqat atuarfianiissinnaaqullugit ukiut taakku qulit ingerlanerini immikkut perorsaanikkut sulinerup ineriartortinneqarnissaa kommunit sulissutigissavaat.

Piffissamut sivisuumut iliuusissatut pilersarusiortoqarnissaa pisariaqarpoq, ilaatigummi immikkut perorsaanermi ilinniartitsisut piginnaanngorsarneqarnissaat pisariaqarmat, tamannalu ilaatigut Namminersorlutik Oqartussanit akisussaaffigineqarluni. Tamatuma saniatigut Atuarfitsialak ilinniartitsinermut tamakkiisumik sulit atuutsilerneqarnikuunngilaq. Tamanna ukiorpaat ingerlanneqarnissaa naatsorsuutigisariaqarpoq. Meeqquerivitsialaap ineriartortinneqarnera atuutsilerneqarnissaalu eqqarsaatigalugit pissutsit aamma taamaapput, meeqqammi immikkut pisariaqartitsisut sioqqutsisumik sulissutigineqarnissaat anguniarlugu nuna tamakkerlugu meeqqeriveqarfanni sulisut piginnaanngorsarneqarnissaat pisariaqarmat.

2) **Isumaqatiginninuteqaqqissinnaaneq.**

Kommunimi atuartut procentimik aalajangersimasumik amerlissagaluarpata imaluunniit Namminersorlutik Oqartussat pigisaanik ulloq unnuarlu angerlarsimaffimmik kommunimi pilersitsisoqassagaluarpat isumaqatiginninuteqartoqaqqissinnaanissaa isumaqatigiissummut ilanngunneqassaaq. Tamatuma saniatigut isumaqatigiissut ukiut pingasukkaarlugit isumaqatiginninuteqarsinnaasassaaq.

**3) Immikkut atuartitsineq pillugu nalunaarut naammassineqassaaq.**

Ajornanngippat 2008-p aasaanerani tusarniummut akissutigineqartut aallaavigalugit naammassineqassaaq. Ullutsinnut naleqqussarumallugu aamma nutarterneqassaaq. Assersuutigalugu meeqqanut sullissinermi pingaaruteqartorujussuummat meeqqat atuartut kisimik eqqaaneqarput. Nalunaarummi nutaami tullinnguuttut eqqarsaatigineqartariaqarput:

- Nalinginnaasumik immikkut atuartitsinerup atorunnaarsikkiartuaarneqarnissaa. Atuarfitsialak tamakkerlugu suli ineriartortinneqarnikuunngimmat nalinginnaasumik immikkut atuartitsinerup atorunnaarsikkiartuaarneqarnissaa siusippallaarpoq. Meeqqat immikkut atuartinneqarnissaminnik pisariaqartitsisut aallaavigalugit suli atuaqatigiikkuutaarisooqarsinnaanngikkallarpoq.
- Immikkut atuartitsinissami akunnerit agguataarneqarnissaannut aalajangiisinaatitaaneq. Immikkut atuartitsisarnerup allaffissornikkut suliassartaanik PPR isumagisaqarani atuartup ajornartorsiutaanik piginnaasaanillu misissuinissamik suliaqartarnissaanik Namminersorlutik Oqartussat oqaatigisaanut kommuni isumaqataavoq. Suliassalli atuarfimmip pisortanit isumagineqartarnissaanut siunnersuut tapersorsorneqanngilaq. Immikkut atuartitsinissami akunnerit atugassat agguataarneqarnissaannut aaqjissuusaaanikkut killissarititanik kommunit namminneerlutik inissititerinissartik kissaatigaat. Taamaakkaluartorli pingaartumik atuarfeqarfimmi/atuarfeqarnermut immikkoortortami kommumini qitiusumik immikkoortortaqaarnissaa isumaqataatinneqarpoq.

Aningaasaqarnikkut allaffissornikkullu kingunerisinnaasai

2005-imi 51.392 tkr.-it, 2006-imi 52.019 tkr.-it, 2007-imi 52.169 tkr.-it, 2008-mi 51.369 tkr.-it, 2009-milu 52.310 tkr.-it aningaasaliissutigineqarput, immikkullu atuartinneqartartunut akunnernut akuerisaasunut matussutaallutik.

Kommunit suliassamik tunniussivigineqareersut ukiumut aalajangersimasumik akunnernik tunineqartarput, takuuk takussutissaq tullinnguuttoq. Aningaasaliissutit sinneri kommunitoqqanut agguataarneqassapput.

- |             |                           |
|-------------|---------------------------|
| - Nuuk      | ukiumut akunnerit 31.080. |
| - Sisimiut  | ukiumut akunnerit 13.200. |
| - Maniitsoq | ukiumut akunnerit 5.400.  |
| - Tasiilaq  | ukiumut akunnerit 8.550.  |
| - Uummannaq | ukiumut akunnerit 4.380.  |

Utertitsinissami ataatsimoortumik akigitaqarmat oqaatigineqassaaq, taannalu 2009-mi akunnernut 511,79 kr.-iulluni.

VSP-mut akunnernut Namminersornerullutik Oqartussat ukiumut tapiissutigisartagaasa saniatigut VSP-mut akunnernut agguaassinermut atatillugu Sisimiut Kommunerisimasaa 2006-imi, 2007-imi 2008-milu 3 mio. kr.-it sinnerlugit aamma aningaasaliissutigineqarpoq.

Missingersuutitigut 2009-mu katillugit sapaatip akunneranut akunnerit 524-t aningaasaliissutigineqarput, aningaasanngoraanni Sisimiuni atuarfeqarfik immikkut atuartitsinernut katillugit uku atortarpai:  $524 \times 0,75 \times 40 = 15.720$  ukiumut atuartitsinerit. Taamaattumik PPR-imut isumaqatigiissutit akunnerillu atorneqartartut  $15.720 - 13.200 = 2.520$  **atuartitsinernik** nikingassutaa Qeqqata Kommuniata aningaasartuutigisarpaa. Immikkut atuartitsinernut akunnerit qaavatigut aningaasartuutit aningaanngorlugit **1.289.710,80 kr.-upput.**

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasartuutit katillugit – 2009-mi immikkut atuartitsinermit akunnerit, Sisimiuni atuarfeqarfik:

Namminersorlutik Oqartussanit utertitassat, Nuuk. PPR-imut isumaqatigiissut naapertorlugit ukiumut akunnerit 13.200-t.	6.755.628,00
Immikkut atuartitsinissamut akunnernut Qeqqata Kommuniata nammineq akiliutaa. PPR-ip akuersissuteqarneratigut akunnerit 2.520-t	1.289.710,80
2009-mi immikkut atuartinneqartartussanut akunnernut aningaasartuutit katillugit – Sisimiut	8.045.338,80 kr.

Immikkut atuartinneqartartunut akunnernut Maniitsumi Ilinniartitaanermut Immikkoortortaq 2009-mi katillugit akunnernut 8.597-inut aningaasartuuteqarpoq. Naatsorsoraanni Maniitsumi atuarfeqarfimmi immikkut atuartitsinermit tullinguuttut atorneqartarput:  $286,57 \times 0,75 \times 40 = 8.597$  ukiumut atuartitsinerit. Taamaattumik PPR-imut isumaqatigiissutip akunnerillu atorneqartartut  $8.597 - 5.400 = 3.197$  **atuartitsinernik** nikingassutaa Qeqqata Kommuniata aningaasartuutigisarpaa. Immikkut atuartitsinernut akunnerit qaavatigut aningaasartuutit aningaangaangorlugit **1.636.192,60 kr.-upput.**

Aningaasartuutit katillugit – 2009-mi immikkut atuartitsinermit akunnerit, Maniitsumi atuarfeqarfik:

Namminersorlutik Oqartussanit utertitassat, Nuuk. PPR-imut isumaqatigiissut naapertorlugit ukiumut akunnerit 5.400-t.	2.763.666,00
Immikkut atuartitsinissamut akunnernut Qeqqata Kommuniata nammineq akiliutaa. Akunnerit 3.197-it.	1.636.192,6
2009-mi immikkut atuartinneqartartussanut akunnernut aningaasartuutit katillugit – Maniitsoq	4.399.858,60 kr.

Sulisut amerlassusiligaanissaat:

Qeqqata Kommunia – meeqqat ukioqanngitsuniit inuusuttut 18-it tikillugit ukiullit 2.713-iupput.

- 1: Sisimiuni PPR-imi sulisooreersut (tarnip pissusiinik ilisimasallit pisortaat, oqallorissaasoq allaffimmiorlu).
- 2: Maniitsumi PPR-imi sulisut (tarnip pissusiinik ilisimasalik). Atorfik inuttaqanngilaq.
- 3: Nammineq aalajangiinikkut sulisunik marlunniit sisamat tikillugit amerlassusiliineq, soorlu tarnip pissusiinik ilisimasalik, immikkut atuartitsinermi siunnersorti, allaffimmioq isumaginninnermi siunnersortiluunniit.
- 4: ukiumoortumik ingerlatsinermi tapiissutit.
- 5: Allaffinnik pilersitsinissamut, qarasaasiatigut atortunik misileraarutissanillu pissarsinissamut ataasiartumik tapiissutit.

Aningaasaqarnerup takussutissartaa: Qeqqata Kommunia.

PPR-imi massakut atorfillit.	1.386.000 kr.-it missaat
Sulisut sisamanik ilaneqarnissaat:	1.600.000 kr.-it missaat
Ingerlatsinermi aningaasartuutit	500.000 kr.-it missaat
Angalanermi aningaasartuutit	50.000 kr.-it missaat
Allaffinnut ataasiartumik akiliutissat	200.000 kr.-it missaat
Katillugit	3.736.000 kr.-it missaat



***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

**Allaffeqarfiup naliliinera**

Tullinnguuttut pisariaqartinneqarput.

1) Ingerlatsinermi aningaasaliissutit amerlanerusut

Maannakkut Namminersorlutik Oqartussat kommunini PPR-ikkunnut utertittagai aningaasartuutivinnut matussutigissallugit naammangillat. Siunissami isumaqatiginninniarnissami kommunini tamani sulisut amerlineqarnissaannut aningaasanik immikkoortitsisoqartariaqarpoq. Tamanna ima isiginiarneqarsinnaavoq, Namminersorlutik Oqartussat PPR-imik tigumminiinnassagunik qularnangitsumik aamma sulisunik amerliliissagaluarput.

Isumaqatiginniutigineqarsinnaavoq, kommunini atorfeqareersut saniisigut kommunimi meeraqassuseq aallaavigalugit kommunit tamarmik marluk sisamallu akornanni sulisut amerlineqassasut. Tamatuma saniatigut ukiumut ingerlatsinermut tapiissutit aamma eqqarsaatigineqassapput, soorluttaaq angalanissami aningaasartuutit eqqarsaatigineqassasut.

2) Aallarnisaanissamut aningaasartuutissat – ataasiartumik aningaasartuutissat.

Sulisunut nutaanut allaffilineq atortussanillu pissarsineq akeqarpoq. Taamaattumik meeqqanik inuusuttunillu misissuinnissami atortussanik, qarasaasiakkut nalunaarsuiffissamut (winppr innersuussutigineqarpoq) aamma allaffissanut ataasiartumik aningaasatigut tapiissuteqartoqartariaqarpoq.

**Ilinniartitaanermut Kulturimut Sunngiffimmullu ataatsimiititaliami suliap suliarinera**

Ilinniartitaanermut Kulturimut Sunngiffimmullu ataatsimiititaliap decembarip 9-ani 2009-mi ataatsimiinnermini aalajangerpaa, PPR 2010-mi juulip aallaqqaataanit kommuninut tunniunneqassasut.

**Innersuussut**

Suliaq aningaasaqarnermut ataatsimiititaliamut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Kommunip akissutaa decembarip 11-ani 2009-meersoq

**Imm. 03 Imigassamut katsorsartinniartunut sullissisarnerup Namminersorlutik  
Oqartussaniit Kommuninut nuunneqarnissaat pillugu tusarniaanermut  
paasissutissiissut**

*Journalnr.*

Tunuliaqutaq

Immikkoortunut nuunneqarfiusussanik piareersaateqarnermut killiffik Kanukoka-p siulersuisuisa 2009-mi oktobarip 15-ini 16-ilu ataatsimiinnermini eqqartorpa. Kanukoka matumuuna tusarniummik nassiussaqqarpoq, oqaaseqaatinik nassiussinissaq pingasunngorneq decembarip 9-ani 2009-mut killilerlugu.

Nassuiaat

Qaqiffinni marluusuni katsorsaasut/sullissisut akuerisaasut ingerlaavartumik iltersorneqartarnissaat ilinniartinneqaqqittarnissaannillu Namminersorlutik Oqartussat Frederiksberg centermik suleqateqarnissamik isumaqatigiissuteqarpoq. Sullinneqartut piukkunnaateqanngitsunik sullinneqartannginnissaanik ileqqorissaarnerup appariaateqannginnissaa matuminnga siunertaavoq. Naalackersuisoqarfiup nalunaarutiginikuuvaa, akuerisaasunngortitsinissaq annertunerusumik allaffissornermik sulisunillu amerlanerusunik pisariaqartitsinissamik kinguneqassasoq, naalackersuisoqarfiullu isumaa naapertorlugu tamatuma qulakkiissanngilaa, kommuni sullissisunik isumaqatigiissusiunnginnissaa, ilinniartinneqarnermik ilinniaqqinnermillu tigusaqarsimanngitsunut. Nunatsinni imigassamut katsorsaasarneq 1995-imi aallartinneqarpoq mannalu tikillugu allanngortinneqarnikuunani nalilersoqqinneqarnissaanullu annertuumik pisariaqarpoq. Assersuutigiinnarlugu piffissami sivisunerusumi katsorsaasunik nalimmassakkanik pisariaqartitsisoqarpoq.

2010-mi januaarip aallaqqaataaniit immikkoortunik nuutsitsinikkut namminersorlutik oqartussat oqariartuutigaat, 2010-mut 4.905 mio. koruunit immikkoortitaareersut saniatigut immikkoortitsisoqaqqissanngitsoq, tamannalu kommunerujussuarni tamani sullissinissamut piffissaanik pisariaqartitsisoqarnera eqqarsaatigalugu naammanngillat. Katsorsaasartut akuerisaasunngortinneqarnissaanik pilersitsinissamut qulakkeerinninnissaq pisariaqarpoq. Imigassamik katsorsaasarnermut immikkoortoq Peqqinnissamut Naalackersuisoqarfimmit paariinnarneqassappat innersuussutigisariaqarpoq, Naalackersuisoqarfiup ilinniartitsisarnissamut ilinniartitseqqiisarnissamullu Frederiksberg centermik isumaqatigiissutimini katsorsaasut namminersortut ilaatissagai, sumiiffinni katsorsaasoqartillugu kommuninit atorineqartartut eqqarsaatigalugit.

Naliliineq

**Kanukoka-p siulersuisuisa innersuussutigaa:**

Pissutsit ullumikkut taamaatsillugit siulersuisut isumaqarput, immikkoortup tiginissaanut suli piffissanngunngitsoq. Taamaattumik siulersuisut innersuussutigaa, imigassamik katsorsaasarneq Namminersorlutik Oqartussat ataaniiginnassasoq, pisiariaqartitat naapertorlugit immikkoortoq nalimmassareernissaata tungaanut.

**2008-p qiteqqunnerani namminersornerullutik oqartussanut inassuteqaammik Qeqqata  
Kommunia nassiussaqqarnikuuvoq:**

Qeqqata Kommuniata siunnersuut akuersaarsinnaanngilaa, Qeqqata Kommuniani imigassamut katsorsaavinnik peqanngimmat. Ikaarsaariarnermi ataatsimiititaliaq isumaqarpoq, imigassamik katsorsartinneq suli Namminersornerullutik Oqartussat ataaniittariaqartoq, aammalu Namminersornerullutik Oqartussat sinnerlugit namminersortunik suliaritinninarneqarsinnaanera tapersorsorlugu.

*Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera*

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap decembarip 2-ani 2009-mi ataatsimiinnermini aalajangerpaa Ikaarsaariarnermi ataatsimiititaliap innersuussutaa allangortinneqassanngitsoq.

**Innersuussut**

Suliaq aningaasaqarnermut ataatsimiititaliamut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilangussaq**

2. Kommuni akissutaa decembarip 11-ani 2009-meersoq

**Imm. 04 Innarluutilinnik sullissinerup Namminersornerullutik Oqartussaniit Kommunit nuunneqarnissaanik pillugu tusarniaanermut paasissutissiisut**

*Journalnr.*

Tunuliaqutaq

Immikkoortunut nuunneqarfiussanik piareersaateqarnermut killiffik Kanukoka-p siulersuisuisa 2009-mi oktobarip 15-iani 16-ianilu ataatsimiinnermini eqqartorpa. Kanukoka matumuuna tusarniummik nassiussaqarpoq, oqaaseqaatinik nassiussinissaq pingasunngorneq decembarip 9-ani 2009-mut killilerlugu.

Nassuiaat

Innarluutilinnik sullissinup nuunneqarnissaanik kommunit ukiuni arlalinngortuni kissaateqarnikuunerat eqqarsaatigalugu innarluutilinnik sullissinerup nuunneqarnissaa kinguarteqqinneqassappat ajuusaarnartuusaaq, taamaalilluni assersuutiginnarlugu marloriaammik allaffissorneq unitsinnissaagaluarat. Innarluutilinnut sullissinerup nuutsinneqarnerani kissaatigineqarpoq, tulleriaarisumik agguataarinnermut periuseqartoqartassasoq, taamaalilluni innarluutilinnut aningaasaliissutit naapertuussinnaaqullugit. Innarluutilik kommunimut allamut nuussagaluarpat innersuussutigineqarpoq, aningaasaliissutit inunnut malinnaatinneqartarnissaat, aammalu kommunit akornanni isumaqatigiissutit malinnaatinneqartassasut.

Aningaasaqarnek / pigisanik atuineq Inatsisitigut tunngavissaq:

Namminersorlutik Oqartussat ullumikkut innarluutilinnut ulloq unnuarlu paaqqinnittarfinnik qulinngiluanik peqarpoq, kiisalu kommunini tullinnguuttuni innarluutilinnut immikkoortortanik (satillit) peqarluni.:

Kommuneqarfik Kujalleq.: Ivaaraq illulu sungaartoq (QAQ)

Kommuneqarfik sermersooq.: Palleq (PAA) aamma majoriaq )(NUUK) kiisalu Nasippi (TASS)

Qeqqata Kommunia.: Elisipannguup (MAN) Gertrud Rask (SIS)

Qaasuitsup kommunia.: Sungiusarfik Ikinngut (ILU) kiisalu immikkoortortaarfii (UUM+QEQ)

Kanukoka-p siulersuisuinit aningaasalersuinissamik agguariaatsinut periarfissat marluk eqqartorneqarput.:

Agguariaatsimut periuseq 1.:

Ataatsimoortumik tapiissutini agguariaaseq atuuttoq aallaavigineqarpoq, pilersuisut nanertuutigisartagaasa oqimaaqatigiisinnerannik sammisusooq, innarluutilinnut paaqqinnittarfinnut inissiinissamut pisiaqartitsinnermut attuumassuteqartuunngitsoq. Taamaattummik tamakkiisumik aningaasaliinermik atuutsitsilerneq, pisariaqartitsitsivinnermut sanilliullugu equngasumik agguassinerusaaq, tamatumani kommunit ilaat siusinnerusukkut pisartakkaminnut sanilliullugu aningaasanik amerlanerusunik tigusartagaqalissagaluarmata, ilaallu annikinnerusunik aningaasanik tigusartagaqalerlutik.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Agguaassinnermut periuseq 2:

2010-mut missingersuut aallaavigineqarpoq. Illoqarfinni missingersuutit Isumaginninnermut Naalackersuisoqarfiup agguataareerpai. Aningaasaliissutit kommunini nutaani agguataagaapput aningaasaliissutillu affaat ataatsimoortumik tapiissutiniit peerneqarput, paaqqinnittarfillu ingerlanneqarnerat ukiup aallartinneraniit ingerlanissaa qulakkeerneqarluni. Affaata sinneri Namminersorlutik Oqartussat kommuninut akiligassanngortippai, innarluutilinnik paaqqinnittarfinniittuutilinnut. Periutsip taassuma aningaasaleeriaasq agguasarnerlu pioreersup aallaavia maliinnassavaa, taamaalillunilu kommuninut artukkeraaqaassanani.

Innarluutilinnut sullissinerup kommuninut nuunneqarneratigut Namminersorlutik Oqartussat naatsorsuutigaat, 2010-mi Aningaasanut Inatsisissami siunnersuutaasut 220.681.000 koruunit kommuninut nuunneqassasut, kisianni Danmarkimi aallartitaqarfimmi Nunatsinnut siunnersortaasut pingasuusut ikaarsaariarnermi Isumaginninnermut Naalackersuisoqarfiup ataaniinnarallassasut.

Innersuussutit.:

Kanukoka-p innersuussutigaa:

Innersuussutigineqassaaq, innarluutilinnut sullissinnermi aningaasat immikkoortitaareersut 220.681.000 koruunit kommuninut nuutsinneqassasut, kisianni Danmarkimi aallartitaqarfimmi Nunatsinnut siunnersortaasut pingasut ikaarsaariarnermi Isumaginninnermut Naalackersuisoqarfiup ataaniinnassasut, kommunit ataatsimoorussamik ingerlatsiveqalernissamut kissaatigisimasat kommuninut aaqqiissutissamik nassaarfiffigineqarnissaata tungaanut.

Ikaarsaariarnermi ataatsimiititaliap innersuussutigaa:

Immikkoortup kommuninut nuunneqarsinnaanerani siunnersuummut Qeqqata Kommunian tunngaviumik isumaqataasinnaavoq, aammalu Kanukoka-p Namminersorlutillu Oqartussat akornanni siunnersuutit aningaasaqarnikkut allaffissornikkullu kingunerisinnaasai pillugit isumaqatiginninniarnissamut qilanaarluni aammalu inassuteqaatigalugu, nuutsitsineq kommuninut ataatsimoorussamik ingerlatsivinngortinneqassasoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap decembarip 2-ani 2009-mi ataatsimiinnermini aalajangerpaa Ikaarsaariarnermi ataatsimiititaliap innersuussutaa allanngortinneqassanngitsoq.

### **Innersuussut**

Suliaq aningaasaqarnermut ataatsimiititaliamut paasissutissatut saqqummiunneqarpoq.

### **Aalajangiineq**

Paasissutissatut tiguneqarpoq.

### **Ilanngussaq**

1. Kommunip akissutaa decembarip 11-ani 2009-meersoq, takuuk imm. siuliani ilanngussaq

**Imm. 05 Niaqunngunami olivinnisiorfiup matuneqarnissaanik ilisimatitsissut**

*Journalnr.*

Tunuliaqutaq

Minelco Qeqqata Kommuniani borgmesteri 2010 januaarip 26-ni ataatsimeeqatiginerusullugu noqqaassuteqarsimavoq. Ataatsimiinnermi Minelco-p nalunaarutigaa, Atammiup eqqaani Niaqunngunami olivinnisiorfimmik ingerlatsinertik 2010-mi unitsikkusullugu aamma ukiuni pingasuni tulluuttuni ammaqinnissamik naatsorsuuteqaratik.

Maleruagassatigut tunngavissat

Aatsitassanut tunngasut aatsitassanut ikummatisanullu pisortaqaarfimmit suliarineqartarput. Suliffeqarfiit aatsitassarsiorlut kisermassisinnaanermi akuersissummi piumasaqaatit naapertorlugit aatsitassarsiorfiit matuneqarnerisigut iluarsaasisoqassaaq. Tamatumunnga sillimmatissatut aatsitassanut ikummatisanullu pisortaqaarfimmut aningaasanik immikkoortitsisoqarnikuvoq.

Pissutsit atuuttut

Aallaqqaammut Crew Gold Coperation Minelco A/S suleqatigalugu immikkoortumi tassani misissueqqaarnissamut pisinnaatitaaffeqaralarpoq. 2005-imi Minelco pisinnaatitsisutinik kisermaassilerpoq, tamatumalu kingorna olivinnisiorfik ammarlugu. Minelco svenskit suliffeqarfissuata immikkoortuata LKAB-p ilagaa, taannalu silarsuami savimminiliorfiit siuuttut ilagaat.

Minelco A/S ilisimatitsivoq, tunisassiorneq ataatsimut isigalugu aningaasarsissutaanngikkaluartoq, taamaattoq Niaqunngunami olivinnisiorneq naammaginarsimavoq, pitsaalluinnartumillu pitsaassuseqarsimalluni. Assartuinnermi aningaasartuutitut tunngasut ajornartorsiutaapput, aningaasartuutimmi annertunersaat olivinnimut atorneqartarput. Aningaasartuutit 40-50 procentiisa missaat assartuinnermut atortarput, nunarsuarmilu aningaasarliortoqarnerata kinguneranik ajorseriaateqarneq patissaalluni, suliffeqarfiup Norgep kujataani Spaniamilu tunisassiorneq aallunniarnerulersimavai.

Olivinnisiorfiup amerikkarmiut niuernikkut ingerlataannut tuniniarsinnaaneranik Minelco A/S-ip ilimasunna ajoraluartumik iluatsinngilaq, tiguisinnaasut amerlanerit Mississippip kuuata sineriaani inissisimammata, taannalu Kalaallit Nunaanut ungasingaatsiartumiilluni. Lawrencep kuuata qanittuani siunissami ineriartornissaq imlt. suli pitsaanagerusoq Nunavumi/Baffinbugten periarfissagissaanerusi aallartitoqarneratigut Niaqunngunami olivinngisorneq siunissami imminut akilersinnaanerusi ingerlanneqarsinnaassagarpoq.

Ulivinnimik tunisassiorneq Minelco A/S-ip nammineerluni annikillisikkiartorsimavaa, siunissami nammineq tunisassiunngikkaluarluni Norgep kujataaniit pisiarineratigut akikinaarnnerusiinnaallugit. Minelco A/S-illi nammineerluni olivinnisiorneq unitsinneratigut aatsitassanillu akikinnerulersitsinissaq angorusullugu unammillertoqarnissaa orniginartippaat, taamaattumik Niaqunngunami olivinnisiorneq allanit pigineqarluni ingerlaannarnissaa Minelco A/S kissaatigineruaa. Taamaattoqarneratigummi iluarsaasinnermi aningaasartuutissat annikillisarneqassammata pinngitsoortinneqarlutilluunniit.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Allatut aaqqiissutissaq tassa Minelco A/S-ip atortut aalajangigaanngitsut tuniniassagai, matumani najugaqarfik 60-inut inissalik ilanngullugu. Tigusisussat tassaasinnallutik aatsitassarsiortut Hudson Resources imlt. London Mining. Periarfissat allat tassaasinnallutik Alcoa, takornariartitsiviit il.il. Umiarsualivik sanaartukkani nalitunerpaajuvoq, ingutserneqarnissaalu akisoorujussuususaalluni. Minelco A/S-ip soorunami ajoriffissaqartinngilaa, umiarsualiveqarfik aatsitassarsiortunut allanut tunineqarsinnaanngippat, siunertanut allanut atorneqarsinnaanissaa, taamaalilluni ingutserneqarnissaa akisooq pinngitsoorneqassamat.

Ingerlariaqqinnissamat tunngatillugu Minelco A/S-i Aatsitassanut Ikummatisanullu Pisorta qarfimmu oqaloqatigiissuteqalernikuvoq. 2010-mi februaarip 15-i Sverigemi Kalaallit NUnaannilu tusa-gassiutit aqutugalugit Minelco A/S-ip avammut nalunaaruteqarnissaa naatsorsuutigineqarpoq.

Aningaasaqarnikkut allaffissornikkullu kingunerisinnaasai

Olivinnisiorfimmi 35-t tikillugit aasaanerani sulisoqarnikuvoq, ukiuuneranili matoqqasarluni. Sulisunit 25-t missaaniittut Qeqqata Kommuniani najugaqartuupput, taamaattumik sulisunit akileraarutit annertuut taakkulu atugassaanik pisiniartarnerit il.il. kommunimut annaasaqaataassapput. Ilutugalugu pisortanit ikiorsiissutinut suliffeqanngikkallarnermilu ikiorsiissutinut aningaasartuutit 2010-mi ukiunilu aggersuni annertuseriassapput.

Allaffeqarfiup naliliinera

Allaffeqarfiup nalilerpaa, qanoq ilioriaaseqanissamat kommunimut ajornakusussasoq. Suliffeqarfiup allap olivinnisiorfik tunisassiornerlu ingerlatilersinnaasuuppagit soorunami pitsaanerpaassaaq. Taamaalilluni Kommunip aatsitassanut ikummatisanullu pisorta qarfimmu kaammattuutiginnarsinnaavaa, Amerikkap avannaani olivinnisiortut piukkunnartut attavigeqqullugit, Niaqunngunami olivinnisirofimmik ingerlataqarnissami soqutiginninninersut paasiniarlugu.

Aaqqiissutissaalluarsinnaasup tullia tassaavoq, atortorissaarutit kommunimi allanik ingerlatsisunit atorneqarlutik, soorlu Hudson Resources-imit imlt. Alcoa-mit najugaqarfiit atorneqarlutik, Niaqunngunamilu umiarsualiveqarfia periarfissaqarluartut takornariaqarnikkut ingerlatsisunit isigineqarluni.

Aatsitassanut Attaveqatigiinnermullu Ataatsimiititaliami suliap suliarinera

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliaq suliarivaa. Suliaq tusaatissatut tiguneqarpoq, iluarsaassisoqarnissaali qulakkeerneqassaaq.

**Innersuussut**

Aningaasaqarnermut Ataatsimiititaliamut Kommunalbestyrelsimullu innersuussutigineqassaaq, ilisimatitsissut tusaatissatut tiguneqassasoq.

**Aalajangiineq**

Pasissutissatut tiguneqarpoq. Kommunalbestyrelsimut paasissutissiissutigineqassaaq.

**Ilanngussaq**

Ilanngussaqanngilaq

**Imm. 06 Aluminiumik aatsitsiviliornissamik pilersaarutip aningaasaqarnikkut sunniutai –  
Niramat nalunaarusiaq pillugu paasissutissiisut**

*Journalnr.*

Tunuliaqutaq

Greenland Development A/S Kalaallit Nunaanni Namminersorlutik Oqartussanit pigineqartoq Aluminiumik aatsitsiviliornissamik pilersaarutip aningaasaqarnikkut sunniutai pillugit siunnersuisarfik Nira nutaamik nalunaarusiorteqqinnikuuaa. Nalunaarusiarlu taanna 2010-mi januaarimi tamanut saqqummiunneqarpoq.

Maleruagassatigut tunngavissat

Nalunaarusiaq Alcoa-p Namminersorlutillu Oqartussat aluminiumik aatsitsiviliortoqarsinnaanerani pilersaaruteqarnerminnut atatillugu piareersaateqarnermi ”memorandum of understanding”-i aallartissimasaanni, misissueqqissaarnerpassuit nalunaarusiaasimasullu ingerlanneqarsimasut ilagiinnarpaat. nalunaarusiat allat attuumassuteqartut piffissami matumani tamanut saqqummiunneqartut ilaatigut tassaapput, inuit nuttarsinnaanerannut suliffissaqarnerlu pillugu nuukkusussuseqarsinnaanerit kiisalu nunap immikkoortuani inuiaqatigiit aningaasaqarnera pillugit nalilersueqqissaarneq.

Pissutsit atuuttut

Nira-p suliassai 2008-miilli inissitsiserneqarput. Aluminiumik aatsitsiviliornissamik pilersaarut pisortat aningaasaqarneranut aamma Kalaallit Nunaanni siunissami inuiaqatigiit aningaasaqarnerannut qanoq sunniuteqarumaarnersoq pillugu misissueqqissaarnissaq siunertaavoq. Pilersaarutip aningaasaqarnikkut sunniutigisinnaasaani suliffissaqarnikkut sulisussaqaarnikkullu qanoq sunniuteqasasnersoq sammeneqarnerussalluni, pilersaarutimmi aningaasaqarnikkut sunniutigisinnaasaanut nalilersuinermi pingaaruteqartuummat.

Misissueqqissaarnermut atatillugu malinnaatitassanik pilersitsisoqarpoq, ukuusunit inuttalerneqartoq Namminersorlutik Oqartussat naalakkersuisoqarfiinit arlalinnit sinniisut, Kalaallit Nunaanni sulisitsisut kattuffiat, Kalaallit Nunaanni Takornariaqarnermut Inuutissarsiornermullu Siunnersuisoqarfik, SIK aamma Qeqqata Kommunia, ataatsimeeqatigiinnertigut killiffik pillugu taakkununga ilisimatitsisoqartarpoq, peqatigitillugulu malinnaatitat sulinerup ingerlanera pillugu oqaaseqarfiginikuuaat. Nalunaarusiap inaarutaasumik naammassineqarneranut malinnaatinneqartut oqaaseqaataat nalunaarusiamut ilanngussatut ilanngunneqarpoq.

Aningaasaqarnikkut allaffissornikkullu kingunerisinnaasai

Aluminiumik aatsitsiviliornissami pilersaarut immini aningaasaqarnikkut annertuumik kinguneqartitsissaq, pilersaarummi atatillugu aningaasartuutit katillugit 20 mia. koruunit missiliorpaat. Illoqarfittaassap pilersaarusiorneqarneranut sanaartorneqarnissaanullu tunngasuni akisussaaffiup ilaa kommunimiippoq, taamaattumik aningaasaqarnikkut allaffissornikkullu kommunimut annertuumik kinguneqassaaq.

Nalunaarusiamut tunngasunik Kommunit uparuaatit killilerujussuarmik ilanngunneqarsimapput, taamaattumik aningaasaqarnermut tunngasuni Namminersorlutik Oqartussat Kommunillu immaqalu Alcoa-p akornanni isumaqtiigiissuteqarnissamut aallaaviusariaqarani.



***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Taamaalilluni nalunaarusiami inerniliussat sukumiisut kommunip pilersaarusiornermini tunngavigi-sariaqanngilai, taamaattoqassappallu nalunaarusiaq aningaasaqarnikkut allaffissornikkullu kommu-nimut toqqaannartumi sunniuteqarnavianngilaq. Taamaattorli Namminersorlutik Oqartussat (aamma Alcoa) nalunaarusiaq aallaavigalugu ilimasuuteqassappata toqqaannanngikkaluamik sunniuteqas-salluni. Ajornerpaamik pisinnaasoq tassa, Namminersorlutik Oqartussat nalunaarusiaq tunngaviga-lugu kukkusumik tunngavilimmik nutaamik inatsisiliussappata.

**Allaffeqarfiup naliliinera**

Allaffeqarfiup nalilerpaa, aluminiumik aatsitsiviliornissamik pilersaarusiornermi nalunaarusiaq annertuumik isumassarsitseqataasoq, ilaatigut suliffissaqartisiniarnermi naleqqusnaanissamut isumassarsitseqataalluni aamma kalaallinik sulisoqarsinnaanissami ilinniarfissat piareersarneqarnis-saat aalajangiisuussasoq naqissuserneqarlunilu aningaasaqarnikkut siuarsaanissaq aqutissiuunne-qarpoq.

Taamaattorli illoqarfittaassap aallartisarneqarnerani ukiumut inissiat 75-iinnaat sanaartorneqartar-nissaa nalunaarusiami pilersaarutigineqarnera eqqarsarnartoqartorujussuullunilu kukkunerujussuu-voq. Taamaassappat sulisorpassuit tammaarfilianni ilaquttatik ilaginagit najugaqartinneqassapput.

Allaffeqarfiup peqatigitillugu nalilerpaa, tunngaviumik ilimagisat nalunaarusiap tunngavigisai, pingaarnerusutigut 1) ingerlatsilernerup nalaani suliffissat amerlassusii, 2) ingerlatsilernerup nalaani sulisussat Maniitsumeersut amerlassusii aamma 3) erngup nukinganik nukissiorfiliornikkut akile-raarutigut isertitassat sanaartornerullu nalaani transmissionslinjer tunngasuni isumaqatigiissutigisat aallaaviunerusariaqaraluartut.

Kommunip malinnaatitani peqataatitaasa ilimaginninnerit taakku pillugit ingerlaavartumik uparu-artaraluarpaat, kinguneqanngitsumillu isummiunneqartut taakku pillugit takussutissanik noqqaas-suteqartaraluarlutik. Ilimagisat Kommunip Islandip kangianit paasissutissat pissarsiarinikuusaanut naapertuutinnngillat, tassami isertitat ilimagisamit annikinnerusimallutillu aningaasartuutit annertu-nerusimammata.

**Aatsitassanut Attaveqatigiinnermullu Ataatsimiititaliami suliap suliarinera**

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliaq suliarivaa. Suliaq tusaatissatut tiguneqarpoq

**Innersuussut**

Aningaasaqarnermut Ataatsimiititaliamut innersuussutigineqarpoq, Niramit Nalunaarusiaq ” Aluminiumik aatsitsiviliornissamik pilersaarutip aningaasaqarnikkut sunniutai” tusaatissatut tiguneqassasoq.

**Aalajangiineq**

Nalunaarusiaq tusaatissatut tiguneqarpoq.

Peqatigitillugu aalajangiunneqarpoq, nalunaarusiaq pillugu aammalu Aatsitassarsiorneq ataatsimut isigalugu Qeqqata Kommunanit qanoq isumaqarfigineqarnersut borgmesterip Naalackersuisut Siulittaasuat ataatsimeeqatiserissagaa.

**Ilanngussaq**

1. Niramit nalunaarusiq ”Aluminiumsprojektets økonomiske betydning”, januar 2010 (qallunaatuinnaavoq)
2. Qeqqata Kommuniata nalunaarusiap inaarutaasumik naammassineqarneranut oqaaseqaataa (kalaallisuuinnaavoq, qallunaatua Niramit nalunaarusiami quppernermi kingullerniippoq)

**Imm. 07 Qeqqata Inuutissarsiornermut Siunnersuisoqatigiivisa tunissasiat ineriartortinnissaat pillugit isumasioqatigiisitsinissaanik tapersiineq pillugu paasissutissiissut**

*Journalnr.*

Tunuliaqutaq

Qeqqata Inuutissarsiornermut Siunnersuisoqatigiivisa tunissasiat ineriartortinnissaat pillugit sapaatip akunnerani 4-mi 2010-mi isumasioqatigiisitsinissani kissaatigivaa, taamaattumillu Qeqqata Kommunia Nukiit-Ilu aningaasateqarfiat aningaasaliinissaannik qinnuteqarfigalugit.

Maleruagassatigut tunngavissat

Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataa-nissaminnut periarfissaat pillugit Inatsisartut inatsissaat nr. 23, 18. december 2003-meersoq. Qeqqata Kommuniata Qeqqatalu Inuutissarsiornermut Siunnersuisoqatigiivisa QIS kiffartuussinis-samik isumaqatigiissutaat.

Pissutsit atuuttut

Majimi 2009-mi inuutissarsiornermut siunnersuisoqatigiit takornariaqarneq pillugu isumasioqatigi-i-sitsipput, tamatumuunalu aalajangiisoqarluni, siunertamut aningaasaliissutissanik pissarsisoqarsin-naasagaluarpat taava sumiiffimmi sulialinnut tunissasiat pillugit isumasioqatigiisitsinissaq inger-lanneqarumaartoq.

Inuutissarsiornermut siunnersuisoqatigiit takornariaqarnikkut suleqatigiissitanik pilersitsinikuupput, taakkulu isumasioqatigiisitsinissamik pilersaarut 2010-mi januaarip naanerani ingerlanneqarumaartoq aalajangiunnuullugu. Isumasioqatigiisitsineq ulluni marlunni ingerlanneqassaaq, kommunimilu illoqarfiit nunaqarfiillu tamarmik peqataatitaqarnissaat naatsorsuutigineqarluni. Peqataasussat 35-nissaat aallaavigalugu missingersuusiortoqarnikuuvoq.

Isumasioqatigiisitsinissap aningaasatigut killiliussat tulliuuttut iluini pinissaa pilersaarutaalluni:

Til 35 personer ekskl. KK's rejseomkostninger

<b>Sisimiut</b>	Antal delt	antal dage	Enhedspris	
<b>Indtægter</b>				
Qeqqata Kommunia				88.392
Nukiit-pulje / Innovationsmidler fra Departementet for Erhverv				88.392
<b>Omkostninger</b>				
Hotel/Overnatning/spis	19	4	985,00	74.860
Fra Maniitsoq deltager / fly	12		1.992,00	23.904
Fra Kang. Deltager / fly	5		1.754,00	8.770
Fra Sisimiut	16	4	150,00	9.600
Kangaamiut - Man - Kang	1		1.000,00	1.000
Itilleq	1		540,00	540
Sarfannguit	1		470,00	470
Mødelokale	1	4	660,00	2.640
Kompetencekompagniet	5,5		10.000,00	55.000
<b>I alt</b>				<b>176.784</b>

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Soorlu missingersuummi takuneqarsinnaasoq, tulliuttutut aningaasaliisoqarnissaa pilersaarutaavoq 50 procenti Inuutissarsiornermut Suliffissaqarnermullu Naalakkersuisoqarfiup ataaniittup Nukiit tapiissuteqaatigissagaat, taamatullu 50 procenti Qeqqata Kommuniata tapiissuteqarfigalugu, taamaalillunilu ataasimut katillugit 88.392,- koruuninik qinnuteqartoqarluni.

Aningaasaqarnikkut allaffuissornikkullu kingunerisinnaasai

Qeqqata Kommuniata qanoq tapiissuteqarusunnera aningaasaqarnikkut kingunerisinnaasaani apeqqutaassaaq, suliarli allaffissornikkut iknguneqassanani, tassa Qeqqata Inuutissarsiutitigut siunnersuisoqatigiivisa suliaassarimmassuk.

Allaffeqarfiup naliliinera

Allaffeqarfik ima naliliivoq, Qeqqata Inuutissarsiornermut siunnersuisoqatigiivi aningaasaleeqataa-sariaqaraluit, soorlu 25 procentinik (22.098,- koruuninik) kommunimit qinnuteqaatinut akileeqataa-nermikkut.

Taamaattumik innersuussutigineqassaaq, Qeqqata Kommuniata tunisassiat ineriartortinnissaannik pilersaarummut 66.294,- koruuninik tapiissuteqassasoq, taakkul kontomit 37-01-10-35-02 Inuutis-sarsiutitigut ineriartortitsinermit tiguneqassasut.

Borgmesterip suliamik suliarinninnera

Borgmesteri decembarip 17-ani 2009-mi aajangiivoq kontomiit 37-01-10-35-02 inuutissarsiutitigut ineriartortitsinermit tapiissutit 66.294,- koruuninik atuisoqassasoq

**Innersuussut**

Suliaq aningaasaqarnermut ataatsimiititaliamut paasissutissatut saqqummiunneqaproq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqaqngilaq

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

**Imm. 08 Aningaasaqarnermut ataatsimiititaliap I-ip naanerani aningaasaqarnermut  
nalunaarusiaa**

Journalnr. 06.00

Pissutsit atuuttut

Atuineq ukiumut tamarmiusumut siammaraanni, atuineq/isertitat 100 %-imiissapput.

**Allaffissornermut tunngasut**

Allaffissornermut tunngasut		Missing	Tapiissu	Aningaa	Atuineq	Sinner	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
10	QINIKKANUT ANINGAASARTUUTIT	8.191	-400	7.791	7.241.035	550	92,9%
11	KOMMUNIP INGERLATSINERA	73.048	1.584	74.632	73.795.105	837	98,9%
12	KANTIINAMIK INGERLATSINEQ	855	300	1.155	1.477.326	-322	127,9%
18	AKIMORTUMIK SULIAT	9.089	-622	8.467	7.337.150	1.130	86,7%
<b>Katillugit</b>		<b>91.183</b>	<b>862</b>	<b>92.045</b>	<b>89.850.615</b>	<b>2.194</b>	<b>97,6%</b>

Allaffissornermut tunngasunut 92,0 mill. kr.-inik aningaasaliissutinit katillugit 89,9 mio. kr.-it, procentingorlugu 97,6 %-it, atorneqarsimapput. Sisimiuni aningaasartuutinit A/S Inissiaatileqatigiiffik INI-p akiligassai naatsorsuutinit suli ikkunneqarsimannginnerat patsisaalluni kantiinami atuisanermi procenti taamak qaffasitsigivoq.

**Inuutissarsiutit kommunip peqataaffii**

Inuutissarsiutit kommunip peqataaffii		Missi	Tapiiss	Bevilget	Atuineq	sinner	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
37	Inuutissarsiutit kommunip peqataaffii	3.857	250	4.107	2.620.628	2.405.576	63,8%
<b>Katillugit</b>		<b>3.857</b>	<b>250</b>	<b>4.107</b>	<b>2.620.628</b>	<b>2.405.576</b>	<b>63,8%</b>

Inuutissarsiutinit kommunip peqataaffiinit 4,1 mio. kr.-inik aningaasaliissutinit atuineq 63,8 %-imiippoq.

**Isertitat**

Konto	Kontonavn	(1.000 kr)	(1.000 kr)	(1.000 kr)		(1.000 kr)	i %
80	ANINGAASARSIANIT ISERTITAT	-251.600	-26.260	-277.860	-255.641.209	-22.219	92,0%
81	SELSKABIT AKILERAARUTAAT	-7.900	3.663	-4.237	0	-4.237	0,0%
83	ATAATSIMOORTUMIK TAPIISSUTIT NALIMMASSAARUTILLU	-209.900	0	-209.900	-210.097.008	197	100,1%
85	ERNIAT, PAPPALATIGUT ILUANAARUTIT AJUNAARUTILLU	-14.200	1.224	-12.976	-12.992.895	17	100,1%
86	ISERTITAT ALLAT	-7.600	2.270	-5.330	-6.235.775	906	117,0%
88	ISUMAKKEERINNINNERIT	2.100	-1.000	1.100	9.331	1.091	0,8%
<b>Katillugit</b>		<b>-489.100</b>	<b>-20.103</b>	<b>-509.203</b>	<b>-484.957.556</b>	<b>-24.245</b>	<b>95,2%</b>

Qeqqata Kommuniiani 509,2 mio. kr.-inik isertitassatut aningaasaliissutinit 485 mio. kr.-it, procentingorlugu 95,2 %-it, isertinneqarsimapput. 2009-mi I-ip naanerani isertitanit akileraarutit, 2010-mi januaarip naanerani naatsorsuutinit ikkunneqareerput, taakkulu naatsorsuutit naammassineqarnissaannut atatillugu iluarsisutiginet qassallutik. Selskabit akileraarutaat 4,2 mio. kr.-it Qeqqata Kommuniata tigussallugit suli amigaatigai. 1,0 mio. kr.-it isumakkeerinnissutitssatut akuersisutiginet qarsimasut februaarimi naatsorsuutinit ilanngunneqassapput, 2009-mullu naatsorsuutinit ilanngunneqassallutik.

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

**Naanerani aningaasaatissatut naatsorsuutigisat**

Pigisat atoriaannaat 89,6 mio. kr.-init ukiup naanerani 45,6 mio. kr.-inut appariarnissaat naatsorsuutigineqarpoq. Naatsorsuutiginninneq taanna 2009-p aallartinnerani pigisat atoriaannaat annertussusaannik, 2009-mi missingersuutini ingerlatsinermi inernerusussanit naatsorsuutigisanit aamma killiffinni nikingasoorutissaniit (10-40-50 atorlugu attartortitsinerit) kiisalu manna tikillugu immikkut aningaasaliissutiniit aallaaveqartinneqarpoq.

<b>2009-p aallartinnerani aningaasaatit</b>	<b>89.622.000</b>
2009-mi miss. naapert. ingerlats. inernera	-47.133.000
Killiffimmi nikingasoorutit	-15.252.000
Immikkut aningaasaliissutit	18.337.000
<b>Karsimi nikingasoorutissat katillugit</b>	<b>-44.048.000</b>
<b>2009-p naanerani karsimiittuutit</b>	<b>45.574.000</b>

**Akiitsut**

Kommunimut akiitsut 2010-mi januaarip sisamaani 56,5 mio. kr.-iupput, qaammatillu siulianut sanilliullugu 1,7 mio. kr.-inik qaffariaateqarluni.

**Innersuussut**

Aningaasaqarnermut ataatsimiititaliamut innersuussutigineqassaaq,

Aningaasaqarnermut nalunaarusiaq tusaatissatut tiguneqassasoq

**Aalajangiineq**

Paasissutissatut tiguneqarpoq.

**Ilanngussat**

1. Qeqqata Kommuniani ataatsimiititalianut oqimaqaatigiissutsineq
2. Akiitsut pillugit allattorsimaffik

**Imm. 09 2011-mi missingersuusiornissamut 2012-imiillu 2014-imut missiliuutissatigut pingaarnertut piffissaliussassat**

*Journalnr. 06.01.01/2010*

Tunuliaqutaq

Qullersaqarfiup februaarip tallimaani 2010-mi ataatsimiinnermini 2011-mut missingersuusiornissamut 2012-imiillu 2014-imut pingaarnertut piffissaliussassat pillugit siunnersuut oqallisigivaat.

Maleruagassatigut tunngavissat

Aqutsinermi inatsit naapertorlugu tulliuuttuni takuneqarsinnaavoq:

§ 25. imm. 4 aamma 5 naapertorlugit, Aningaasaqarnermut ataatsimiititaliap suliassarivai:

4) Aningaasatigut ingerlatsinermut atatillugu tunngaviussanik maleruagassiorneq, ataatsimiitita-liat ataavartut kommunalbestyrelsimut inassuteqartarneranni pituttuisumik maleruarneqartussaasu-nik.

5) Aningaasaqarnermut ataatsimiititaliap isumagissavaa ataqatigiissaassalluguluunniit kommunip immikkoortunut pilersaarusionera, ataatsimut atorneqartussanik pilersaarusionermut maleruagas-sionermigut paasissutissallu qanoq annertussuseqarnissaannut aalajangersaanermigut.

§ 40. imm. 1, 2 aamma 3 naapertorlugit Aningaasaqarnermut ataatsimiititaliap kommunip ukiumoortumik aningaasartuutissanut missingersuutai kommunalbestyrelsimut ingerlatinneqartussat suliarissavai. Siunnersuutit ukiunut tulliuuttunut minnerpaamik pingasunut missingersuusianik imaqassapput.

*Imm. 2.* Ukiumoortumik aningaasartuutissanut missingersuusiani ilaatinneqassapput kommunip isertitassai aningaasartuutissaalu tamarmiusut aammalu aningaasani tigoriaannarni nikerarnerit aamma aningaasaatit nikerarneri.

*Imm. 3.* Ukiumoortumik aningaasartuutissanut missingersuusialq tamatigut takussutissaassaaq aningaasartuutissatut isertitassatullu aammalu allatigut nikeriaatissatut ilimagineqartunut.

Pissutsit atuuttut

Kommunit kattunerinit ukioq ataaseq qaangiutiinnartoq 2011-mut missingersuusiornissamut 2012-imiillu 2014-imut missiliuuteqarnissamut missingersuutitigut iluarsisooqartariaqarunangilaq.

Taamaattumik 2011-mut missingersuutitigut killiliussatigut kiffartuussinerit naapertuuttunngorsarneqarnissaat ilanngunneqannginnerini, taamatullu killiliussat nalunaarutigineqannginnerini, 2009-mut naatsorsuutit naammassineqarsimanissaat misissorneqareersimanissaallu pissusissamisuusaaq.

Taamaammat 2011-mi missingersuutitigut ukiunullu 2012-imiit 2014-imut missiliuuteqarfiusunut killiliussassat aatsaat apriliimi nalunaarutigineqarsinnaassapput.

Aningaasaqarnikkut allaffissornikkullu kingunerisinnaasai

Piffissaliussassat namminneq aningaasartuuteqarfiunatillu allaffissornikkut sunniuteqassanngillat, kisiannili eqqortumik missingersuutitigut suliaqarnissaq annertuujullunilu ajornakuusoortuuvoq, matumanilu allaffissornikkut nukippaaluit atorneqassallutik.

Politikkikkut partiit ataatsimiititaliallu 2011-mut missingersuutitigut ukiunullu 2012-imiit 2014-imut missiliuuteqarfiusunut siunnersuuteqarnissaat 2010-mi juunip 18-ianut killiligaammat oqaatigineqartariaqarpoq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Allaffeqarfiup naliliinera

Allaffeqarfiup 2011-mut missingersuutitigut ukiunullu 2012-imiit 2014-imut missiliuteqarfiusunut aningaasaqarnikkut eqqortunik killiliussinissaq pingaaruteqartutut isigivaa. Taamaattumik piffissaliussassat massakkut saqqumiunneqarput, 2009-mulli naatsorsuutit akuersissutigineqarnerinut atatillugu killiliussassat qaammatinik marlunnik kingulliullutik nalunaarutigineqarumaarlutik.

**Innersuussut**

Aningaasaqarnermut ataatsimiititaliamit akuereqqullugu innersuussutigineqassaaq,

2011-mut missingersuutitigut ukiunullu 2012-imiit 2014-imut missiliuteqarfiusunut pingaarnertut piffissaliussassat akuerineqassasut

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. 2011-mut missingersuutitigut ukiunullu 2012-imiit 2014-imut missiliuteqarfiusunut pingaarnertut piffissaliussassat.



**Imm. 10 2010-mut missingersuutininut missingersuutitigut iluarsiiisutit – 8.2.2010-mi malinnaatitaq**

*Journalnr. 06.01.01/2010*

Tunuliaqutaq

”Ukiumut missingersuusiorfiusumut 2010-mut kommuninut ataatsimoortumik tapiissutit pillugit isumaqatigiissut” 2010-mi februaarip 4-ani Kanukokap nassiunnikuuvaa, tassanilu takuneqarsinnaavoq, Aningaasanut inatsimmi kommuninut ataatsimoortumik tapiissutaasussat Kanukokap akuersaarai.

Ukiumut missingersuusiorfiusumut 2010-mut ataatsimoortumik tapiissutissanik isumaqatigiissusiornerup sivisuup naammassineqanngitsullu malitsigisaanik 2010-mut missingersuutini ukiunullu missiliuteqarfiusunut 2011-miit 2013-imut 2009-mut 2010-mullu ataatsimoortumik tapiissutaasimasut ilanngutiinarneqarput.

Maleruagassatigut tunngavissaq

Inatsisartuni aalajangerneqarnikuuvoq suliniutinut aningaasartuutitaqarluartunut nunatta karsia kommuninut aningaasaliisarnissaanik, ataatsimoortunik tapeeriaaseq manna tikillugu ingerlanikuuvoq. Isumaqatigiissusioriaatsip taassuma takutippaa, 2010 aallarnerfigalugu atuutilersumik Namminersorlutik Oqartussanit tamanna atorunnaarsinneqartoq.

Kommunip missingersuutaani Kommunalbestyrelsi aningaasaliisussaataavq.

Pissutsit atuuttut

2010-mut ataatsimoortumik tapiissutinik isumaqatiginninniarnermi 2009-mut ataatsimoortumik tapiissutit 805,7 mio. koruuniusut aallaavittut atorneqarput. Naak akigititanut akissarsianullu 20,9 mio. koruuninik iluarsiiisuteqartoqaraluartoq 2010-mut ataatsimoortumik tapiissutit katillugit 789,3 mio. koruuninik aningaasartalerlugit naammassineqassapput, tamanna kommunimut iluarsineqanngitsunut nalimmassaanernik arlalinnik patsiseqarpoq.

Nalimmassaaneq ajornerpaaq tassaavoq eqqartorneqangaatsiartoq 30 mio. koruuninik uppernarsaatitaqanngitsunik kommuninut ataatsimoortumik tapiissuteqarneq. Taakku saniatigut kommuni ikinnerusunik isertitaqassaaq, tullinnguuttut pissutigalugit,

- Siunissami meeqqat atuarfiini atuartunut annernut tapiissutinik tunniussisoqartarunnaartussaammat
- Biileqartitsinermi akileraarusiisalerneq qaffanneqarnerata kingorna akileraarutitigut isertitassanik amerlanerusunik tigusartagaqalernissaq
- Innuttaasunik sullisserup pitsaanerusup suliniutigineqarneranut akileeqataanissaq

Ataatsimoortumik tapiissutinut isumaqatigiissutip saniatigut 2010-mut missingersuusiornermut atatillugu kommunip missingersuutaani kukkunernut marlussunnut kukkusoqarsimaneranut aammattaaq iluarsiiiffineqassapput. Uani pineqarlutik Sisimiut illoqarfiani kuuffissuarnik iluarsartuussinermi marloriarluni ilanngussaqaarsimaneq aammalu Maniitsumi katersugaasivimmi akissarsianut amigartumik ilanngussaqaarsimaneq, taakku 2009-mi aggustimi Kommunalbestyrelsimit akuersissutaagaluarput.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Aningaasaqarnikkut allaffissornikkullu kingunerisinnaasai

Ataatsimoortumik tapiissutit Qeqqata Kommuniani 2010-mut missingersuutini aammalu 2011-miit 2013-mut ukiunut missiliuuteqarfiusunut kontomi 83-01-00-82-01-mi 150.685.000 koruuninik isertitaqarfissanngorlugit ilanngussaapput, Aningaasanulli inatsimmi taamaallaat 140.580.000 koruuninik amerlassusiligaallutik. Taamaalilluni ataatsimoortumik tapiissutini isertitassatut isumaqatigiissummi 10.105.000 koruuninik annikinnerunerata malitsigisaanik immikkut aningaasaliisoqarnissaa pisariaqarpoq.

Taamaattorli ataatsimoortunik tapiissutinut isumaqatigiissutip kingunerisaanik kontomi 51-12 iliniartunut tapiissutini aningaasartuutunik annikilliliisoqarsinnaavoq, ukiumi atuarfusup 2010/201-p aallartinnerani meeqqat atuarfiini atuartunut annernut tapiissuteqartoqartarunnaartussaammat. Taamaalilluni 2010-mi 538.000 koruuninik aamma 2011-2013-mi 1.538.000 koruuninik isertitassatut aningaasaliisoqarsinnaavoq.

Ataatsimoortumik tapiissutinik isumaqatigiissusiornermi Qeqqata Kommuniani kuuffissuarnik iluarsartuussinermut 7.085.000 koruuninik ilanngussisoqarnikuvoq. Allaffeqarfik isumaqarpoq, taamatut isumaqatigiissusiortoqarneratigut Kangerlussuarmi kuuffissuarnut iluarsartuussinernut kommuni nammineq aningaasaatiminik iluarsartuussisariaaruttoq. Taamaalilluni 2010-mi kontomi 72-22-mi Kangerlussuarmi kuuffissuarnik iluarsartuussinermut 4.050.000 koruuninik sipaaruteqartoqarsinnaavoq, kisianni Sisimiuni ilinniartut inaanni innarluutilinnut appakaaffissaliornissap qulakkeerneqarnissaanut 3.000.000 koruunit immikkoortinneqassapput. Isertitassatut aningaasaliissutissat 1.050.000 koruunit tamaalilluni kiserngorupput.

2010-mut missingersuutit suliarineqarnerini Sisimiut illoqarfianni kuuffissuarnik iluarsartuussinermut kukkusoqarneratigut kontonut marlunnut ilanngussisoqarsimavoq, kontomi 72-41-00- mi 2.000.000 koruunit aamma 1.949.0000 koruunit. Aningaasat siulliit 2.000.000 koruunit isertitassatut aningaasaliisoqarneratigut sipaarutigineqarsinnaapput.

2009-mi aggustimi Kommunalbestyrelsi aalajangiivoq, kontomi 56-02-20-01-10-mi 75.000 koruuninik Maniitsumi katersugaasivimmi sulisut akissarsiassaannut immikkut aningaasaliissuteqartoqassasoq, kisianni kukkusoqarneratigut taakku taamaallaat 2009-mut ilanngunneqarsimapput aammalu 2010-mut missingersuutinut ukiunullu missiliuuteqarfiusunut ilanngunneqaratik. Taamaalilluni 2010-mut missingersuutini ukiunullu missiliuuteqarfiusunut 75.000 koruuninik immikkut aningaasaliissuteqartoqarnissaa pisariaqarpoq.

Allaffeqarfiup naliliinera

Ataatsimut tapiissutinik isumaqatigiissusiornerup kingunerissavaa kommunimut isertitassat annikillerujussarnerinik, tamaattumik piffissaq qaninnerusoq ungasinnerusorlu isigalugit sipaaruteqarnissaq pisariaqarpoq. Taamaalilluni ingerlatsinermi annertuumik sipaaruteqarnissaq pisariaqassaaq, kommunalbestyrelsip kissaataa sanaartornermut missingersuuteqarneq annertoq paariinnarneqassappat. Kommunalbestyrelsip apriilimi ataatsimiinnissaanut sipaarutissatut siunnersuuteqarnissaq allaffeqarfiup naatsorsuutigivaa, tamatumani 2011-mut missingersuutinut ukiunullu missiliuuteqarfiusunut killiliussat nalunaarutigineqassallutik.

2010-mut missingersuutinut ukiunullu missiliuuteqarfiusunut eqqortunik missingersuusiussagutta kiisalu 2011-mut missingersuutinut ukiunullu missiliuuteqarfiusunut killiliinissanik eqqortunik periarfissiussagutta iluarsisuteqarnissat tulluarsaanissallu taaneqartut pisariaqarput.

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

**Innersuussut**

Allaffeqarfiup innersuussutigaa, aningaasaqarnermut ataatsimiititaliap kommunalbestyrelsimit akuereqqullugu innersuussutigissagaa,

2010-mi katillugit 6.592.000 koruuninik aammalu eqitsit ataaniittoq naapertorlugu katillugit 6.642.000 koruuninik immikkut aningaasaliissuteqartoqassasoq

Konto	Taaguutaa	Missingersuusiorfik	Imm. Aningaa.	Aningas.nutaaq
		2010	2010	2010
51-12-xx-xx-xx	Ilinniartunut tapiissutit	1.538.000	-538.000	1.000.000
56-02-20-01-10	Katersugaasiviit - qaammammusiat	263.000	+75.000	338.000
72-22-30-50-61	Kuuffissuit - Kangerlussuaq	1.050.000	-1.050.000	0
72-41-00-50-61	Kuuffissuarnik iluarsartuussineq – ataatsimoorussaq	2.000.000	-2.000.000	0
83-01-00-82-01	Nam. Oqart. Tapiissutit	-150.685.000	+10.105.000	-140.580.000
Katillugit			6.592.000	

Konto	Taaguutaa	Missingersuut	Imm. Aningaas.	Aning. nutaaq
		2011-2013	2011-2013	2011-2013
51-12-xx-xx-xx	Ilinniartunut tapiissutit	1.538.000	-1.538.000	0
56-02-20-01-10	Katersugaasiviit – qaammammusiat	263.000	+75.000	338.000
72-41-00-50-61	Kuuffissuarnik iluarsartuussineq – ataatsimoorussaq	2.000.000	-2.000.000	0
83-01-00-82-01	Nam. Oqart. Tapiissutit	-150.685.000	+10.105.000	-140.580.000
Katillugit			6.642.000	

**Aalajangiineq**

Innersuussutigineqartut akuersissutigineqarput.

**Ilanngussaq**

1. Aningaasanut inatsit 2010: 20.05.20 Kommunitut ataatsimoortumik tapiissutit.

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

**Imm. 11 2011-mi aningaasanut inatsisissamut sanaartugassatut kissaatigisat  
qinnutiginnissaat**

*Journalnr. 06.01.03*

Tunuliaqutaq

Namminersorlutik Oqartussat januaarip 11-ani 2010-mi allakkatigut Qeqqata Kommuniata 2011-mi Aningaasaqarnermut inatsisikkut kissatai ujartorpai. Qeqqata Kommunian kingsinnerpaamik marsip 1-ani 2010-mi ataatsimoortumik tullerriaakkamillu Qeqqata Kommuniani sanaartugassatigut kissaatigisaminik Namminersorlutik Oqartussanut nassiussissaaq.

Maleruagassatigut tunngavissaq

Aningaasanut inatsit Namminersorlutik Oqartussat kisimik susasaqarfigivaat, taamaattorli kommunit tamatumani sanaartortinniakkatigut kissaatigisatigut tullerriaakkat tusartissallugit periarfissaqartitaapput.

Pissutsit atuuttut

Namminersorlutik Oqartussat maluginiaqqaat, ”Inatsisartut 2010-mut Aningaasanut inatsisip akuersissutigineratigut, 2004-mi Aningaasanut inatsisip suliarineratigut siunniunneqartoq suli siunniusimagaat, tamannalu ima paasineqassalluni, salliutitat tullerriaarinermi imaassasut atuarfiliortiterneq, illuliortiterneq pilersuinerlu. Tamatuma kingunerissavaa kissaatit allat taamaallaat killilimmik aningaasaliiffigineqarnissaat.”

Missingersuutissatut akuerisat, politikikkut kissaatigisat saqqummiunneqartut ukiumilu kingullermi siusinnerusukkut Qeqqata Kommuniata sanaartugassatigut kissaatigisaminik tullerriaarineri tunuliaqutaralugit matuma kingulianiittut Qeqqata Kommuniani missingersuusiorfusumi 2011-mi ukiunullu missiliuuteqarfusunut tullerriaakkatut siunnersuutit pisortaqatigiit suliarivaat.

Tus. Kr.	Illoqarnikkut/ inissaqar-nikkut ineriartortitsinissami pilersaarutit	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Maniitsumi utoqqarnut inissiat 16-it			5.000	4.500	5.000	4.500				
2	Sisimiuni utoqqarnut inissiat 6 + 12			8.186	4.292	8.186	4.292	8.186	4.292	8.186	4.292
3	Kangerlussuarmi kommunip attartortittagassai sisamat			1.200	1.000	2.575	2.075				
4	Sisimiuni, Maniitsumi Kangaamiunilu illunik nutarterineq taartissatullu illussat				30.000		30.000		30.000		30.000
5	Sisimiuni illut tamanut iluaqtaasussat			??	??	??	??	??	??	??	??
6	20-20-60 aqqutigalugu illut			15.000	15.000	15.000	15.000	15.000	15.000	15.000	15.000

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

Tus. Kr.	<b>Teknikkikkut ineriartortit-sinissami pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Sisimiuni eqqagassanik immikkoortiterivik			4.300	3.300						
2	Sisimiuni umiarsualiviup allilerneqarnissaa				60.000						
3	Maniitsumi illoqarfittaassamut aqqusinissaaq				15.000		15.000				
4	Kangerlussuup Sisimiullu akornanni aqqusineq			30.000		20.000	30.000	20.000	30.000	20.000	30.000
5	Kangerlussuarmi ikuallaavik, naapertuuttunnorsaaq						25.000				
6	Maniitsumi talittarfiit nutarterneqarnissaat				??		??				
7	Sisimiuni ikuallaaviup allilerneqarnera							10.000	10.000	25.000	25.000

Tus. Kr.	<b>Ilaqatariinnuut tunngasutigtut ineriartortitsinissami pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Sisimiuni najugaqaqatigiiffik Pisoq nutaaq			11.000	11.000	11.000	11.000				
2	Maniitsumi innarluutilinnut inuusunnerusunut ulloq unnuarlu angerlarsimaffik			1.500	1.500	3.000	3.000				
3	Sisimiuni Utoqqaat angerlarsimaffiata allilerneqarnissaa			??	??	??	??	??	??	??	??
4	Innarluutilinnut atuariit				??		??		??		??
5	Sisimiuni meeqqerivik			3.750	3.750	3.750	3.750				
6	Maniitsumi meeqqerivik			3.750	3.750	3.750	3.750				

Tus. Kr.	<b>Ilinniartitaanikkut-, kulturikkut sunngiffimmilu sussaqaqtitaanikkut pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Illoqarfinni nunaqarfinni atuarfinnik nutarterineq				??		??		??		??
2	Kangerlussuarmi efterskolip allilerneqarnissaa				??						
3	Nunaqarfinni timersortarfiit tamatigoortut			3.000	3.000	3.000	3.000	3.000	3.000	3.000	3.000
4	Maniitsumi atuakkanik atorniartarfik nutaaq			3.400	3.400						
5	Sisimiuni atuakkanik atorniartarfik nutaaq			3.400	3.400						

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

Tus. Kr.	Sanaartorfigissaanissamut pilersaarut innaallagiaq, imeq, kiassarneq	2010 subtotal		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Maniitsumi A17-mi ilaqutariinnut ataatsinut illut kujataatungaanni innaallagissap erngullu aqqutaa 300m		1.750								
2	Aqquserngup qullisa 900m-isut takitigisup iluarsartuunneqarnerat. Mayers Ave. Anstalt aamma illut 40-t, Kangerlussuaq		600		600						
3	Aadamnip aqqusernganit Tuapannguanut kissarnermi aqqut 600m.		250		1.000		1.500		250		
4	Maniitsumi A17-imi najugaqarfissianut 24-nut erngup aqqutaa 200m				1.000						
5	Maniitsumi E1-imi inuutissarsiutinut siunertanut erngup aqqutaa 210m.						1.100				
6	Akia III-mi pingaarnertut sanaartorfigissaaneq								2350		2600

Najugaqarfissiat eqqarsaatigalugit najugaqarfinnit tamanut iluaqutissanit utoqqarnut inssiassat salliutinneqarput. Najugaqarfiit tamanut iluaqutissammi nutarterneqartussaapput, Namminersorlutik Oqartussallu taartissatut najugaqarfiliassai, najugaqarfissanit kommunimit taperneqartussanit salliutinneqarlutik.

Ukioq kingullermut sanilliullugu Teknikkimut avatangiisinullu eqqagassanut immikkoortiterivissaq ukioq manna ilanngunneqarpoq. Ukioq kingullermut sanilliullugu Maniitsumi illoqarfittaassamut aqqusinissaq salliunneqarunnaarpoq, alumiiniumimmi aatsiterivissaq pillugu aalajangiisoqartinnagu Namminersorlutik Oqartussat illoqarfittaassamut aningaasaleerusunnginnamik.

Ilaqutariinnut pilersaarut eqqarsaatigalugu ukioq kingullermut sanilliullugu Maniitsumi innarluutilinnut inuusuttunut pisariaqartitsisunut ulloq unnuarlu angerlarsimaffissaq ilanngunneqarpoq. Namminersorlutik Oqartussat ukiorpaalunngortuni meeqqeriveqarneq salliunnikuunngimmagu, meeqqerivik salliunneqarunnaarpoq.

Ilinniartitaaneq, kulturi sunngiffillu eqqarsaatigalugu Namminersorlutik Oqartussat tulleriarinerinut naapertuutsikkumallugu kulturimit sunngiffimmiillu ilinniartitaaneq suli salliunneqarpoq.

Sanaartorfigissaaneq eqqarsaatigalugu Nukissiorfiit Qeqqata Kommunianut ukiumut 2,6 mio. kr.-inik tunniussisarneranut naapertuuttunngortillugu tulleriarinerimut inissinneqarpoq.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinaasat eqqarsaatigalugit, sanaartugassatigut sutigut Namminersorlutik Oqartussat aningaasaleeqataanissaat apeqqutaajumaarpoq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

**Allaffeqarfiup naliliinera**

Namminersorlutik Oqartussat sanaartugassatigut namminneq qanoq aningaasaliissuteqarnissaminnik aningaasaleeqataassuteqarnissaminnilluunniit pilersaaruteqarnerat aningaasatigut annertuumik kinguneqartussaammat, allaffeqarfik naliliivoq, tulleriarinikkut nalunaarusiami salliutitassatut pilersaarutit sukumiisumik paasissutissartalerlugit allaaseralugillu suliarineqartariaqartut.

Tamatuma saniatigut kommunip Namminersorlutik Oqartussanut tulleriarinerani Namminersorlutik Oqartussat tulleriarinerat sapinngisamik isiginiartariaqarpoq. Namminersorlutik Oqartussat illuliortiterneq illunik kiffartuussivinniit salliutippassuk, kommunip kissaatigisai tamatumunnga naapertuuttariaqarput.

**Innersuussut**

Pisortaqatigiit innersuussutigissavaat, aningaasaqarnermut ataatsimiititaliap sanaartugassatut kissaatinik tulleriarinerit kommunalbestyrelsimut akuereqqullugit innersuussutigissagai.

**Aalajangiineq**

Ilaqatariinnuut tunngasutigut ineriartortitsinissami pilersaarutitini tulleriarinermi

1-ip aningaasartai 5 mio koruuninut iluarsineqassapput.

4-imi erseqqissarneqassaaq Sisimiut Maniitsorlu tamarmik pineqarmata.

Ilinniartitaarnikkut, kulturikkut sunngimmilu susassaqtitaanikullu pilersaarutitini tulleriarinermi 4-p allaqqanera imaassaaq Maniitsumi inuusuttut ornittagaat.

Tamaalillugu kommunalbestyrelsimut ingerlateqqinneqassaaq.

**Ilanngussat**

1. Namminersornerullutik Oqartussat januaarip 11-ani 2010-mi allagaat
2. Sisimiut Kommuneata 2009-mi Aningaasanut inatsimmut sanaartugassatut kissaatitut siunner-suutai

## **Imm. 12 Sisimiut illoqarfiani atuarfiit nutarterneqarnissaat**

*Journalnr. 09.22*

### Tunuliaqutaq

Kommunalbestyrelsip 2010-mi januaarip 12-iani ataatsimiinnermini aalajangerpaa, Minngortuunnguup Atuarfiata Nalunnguarfiup Atuarfiatalu nutarterneqarnissaat, allannortiterneqarnissaat allilernerneqarnissaallu pillugit tunniunneqarnissaannut atsiugassaq Qeqqata Kommuniata atsiussagaa, taamaalillunilu Minngortuunnguup Atuarfia annertuumik nutartissagaa Nalunnguarfiup Atuarfialu pisariaqartitatigut nutartissagaa.

Tamatuma kingorna Sisimiuni atuarfiit nutarterneqarnissaat pillugu allaffeqarfik siunnersuusiorpoq, soorluttaaq tigusinissamik atsiugassaq pillugu Namminersorlutik Oqartussanut attaveqarsimasoq.

### Maleruagassatigut tunngavissat

Kommunalbestyrelsi aningaasaliinissamik oqartussaavoq, sulisullu amerlassusiligaanissaat pillugu Kommunalbestyrelsi aalajangiisarluni.

Atuarfiit nutarterneqarnissaat Namminersorlutik Oqartussat akissussaaffigaat, taamaattumillu ataatsimut aningaasaliissutissat aningaasaliissutillu ukionut siammarterneqarnissaat Inatsisartut Aningaasaqarnermut ataatsimiititaliaata akuersissutigisussaallugu.

### Pissutsit atuuttut

Atuarfiit qanoq issusiisa piaartumik iluarsivigineqarnissaannik pingaartitsilluni pilersaarut maannangaaq aallartinneqarluni suliaasaq 2015-imi naammassineqartariaqarpoq. Sanaartornerup nalaani ajornartorsiutaasinnaasut iluarsivigineqartarnissaat, Sisimiunilu atuarfiit pitsaassusissaat pillugu siunissamut ungasinnerusumut anguniagassaq eqqarsaatigalugu nutarterinissaq kinguneqarluartumik ingerlanneqarnissaa pillugu atuisut annertuumik peqataatinneqartariaqarput.

Nalunnguarfiup Atuarfiata silaataa 2010-p aasaani nutarterneqarnissaa pilersaarutigineqassaaq. Tamatuma nalaani Minngortuunnguup Atuarfiata nutarterneqarnissaa 2011-p aasaani aallartissinnaaqullugu 2014-imilu naammassineqarnissaa eqqarsaatigalugu pilersaarusiornissaq aallartinneqassaaq. Naggataatigut Nalunnguarfiup Atuarfiata ilua 2014/2015-imi nutarterneqarsinnaassaaq.

Pilersaarusiussagaanni politikerinit inuttalerlugu atuarfiit sanaartorneqarnerinut ataatsimiititaliamik borgmesterimik (aningaasaqarnermut ataatsimiititaliap siulittaasua), ilinniartitaanermut, kulturimut sunngiffimmullu ataatsimiititaliami ilaasortamik illoqarfimmeersumik (aallaavittut siulittaasoq), teknikkimut avatangiisinullu ataatsimiititaliami ilaasortamik illoqarfimmeersumik (aallaavittut siulittaasup tullia) illuatungeriinnillu sinniisumik illoqarfimmeersumik ilaasortaatalerlugu ataatsimiititaliamik pilersitsisoqartariaqarpoq. Atuarfiit sanaartorneqarnerinut ataatsimiititaliaq aamma atuarfinniit sinniisoqassaaq. Atuarfiit sanaartorneqarnerinut ataatsimiititaliaq pingaarnertut aalajangiisassaaq, pilersaarusiortunullu aqutsisassalluni.



***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Pilersaarusiornermi pisortaq toqqaannartumik akisussaasoralugu, pilersaarutip toqqaannartumik ingerlanneqarnissaa suliaassallu suliarineqarnissaat pilersaarusiornermi suleqatigiit isumagissavaat. Tamatuma saniatigut pilersaarusiornermi pisortaq sanaartortitsisunut siunnersortaassaaq, siunnersortilu taanna illup avataaneersuusinnaavoq illup iluaneersuusinnaalluniluunniit. Pilersaarutip annertunera allaffeqarfimmullu qanittumik attaveqarnera pillugit innersuussutigineqassaaq, illup iluaneersumit sanaartornermi siunnersorteqassasoq. Tamatuma saniatigut ilaqtariinnut ilinniartitaanermullu pisortaaneq allaffissornikkut akisussaataitaalluni sanaartortitsisuussaaq pilersaarusiornermilu suleqatigiinni ilaasortaassalluni.

Namminersorlutik Oqartussat sanaartornermik immikkoortortaata nalunaarutigaa, Sisimiut illoqarfiani atuarfiit nutarterneqarnissaannut Aningaasanut inatsisitigut ukiunut missiliuteqarfiunut aningaasaliissutaasimasut allanngortinneqarsinnaasut. Taamaattoqassappallu Aningaasaqarnermut ataatsimiititaliaq akuersiteqqaartariaqartoq.

Aningaasaqarnikkut allaffissornikkullu kingunerisinnaasai

Sisimiuni atuarfiit nutarterneqarnissaannut pilersaarusiussagaanni, Aningaasanut inatsisitigut naatsorsuutigineqartutut sanaartorneq ukiunik arfineq-pingasunik sivisunerussanngilaq. 2015-imi atualertoqarnissaata tungaanut naammassineqaruni naapertuunnerussagaluarpog.

Minngortuunnguup Atuarfiata nutarterneqarnissaanik Nalunnguarfiullu Atuarfiata pisariaqarfiisigut nutarterneqarnissaanik Kommunalbestyrelsip aalajangiinera naapertorlugi atuarfintut taakkununga marlunnut agguataarinissaaq maannamut ima takorloorneqarpoq. Minngortuunnguup Atuarfianut 90-100 mio. kr.-it aamma Nalunnguarfiup Atuarfianut 20-30 mio. kr.-it.

Nalunnguarfiup Atuarfiata qanoq issusaa pillugu sulii naliliisoqarnikuunngilaq, taamaattumillu kisitsit taanna allanngorsinnaanissaa naatsorsuutigisariaqarluni. Taamaattumik taakku 122 mio. kr.-it ukiunut agguataarneqarnissaat ajornakusoorpoq, aallaavittulli tullinnguuttut agguataarisooqarnissaa pilersaarutigineqarpoq:

Atuarfik / ukioq	2010	2011	2012	2013	2014	2015	Katillugit
Minng.	3	20	30	30	13	0	96
Nalunn.	9	0	0	0	8	9	26
Katillugit	12	20	30	30	21	9	122

Sanaartortitsisunut siunnersortaasoqarnissaanut nutarterinerup nalaani sanaartortitsisunut siunnersortaanusussamik atorfinitsitsisoqassaaq. Aallartisarnermi siunnersortaaneq suleqateqassaaq, suleqataasullu kingorna teknikkimut avatangiisunullu immikkoortortamut nuutsinneqarnissaa pilersaarutigineqarluni. Sisimiuni Ilaqtariinnut ilinniartitaanermullu aamma Teknikkimut avatangiisunullu immikkoortortani pisortaanerit pilersaarusiornermi atorfinni atorfinitsinneqarnerisigut, sanaartortitsisunut siunnersortit qanimut suleqatigineqarnissaat naatsorsuutigineqarpoq.

Allaffeqarfiup naliliinera

Ataatsimut suliaasamat paaseqatigiittoqarnissaa pillugu pilersaarutissap sulinermi aallaavigineqarnissaa allaffeqarfiup pingaartitorujussuuaa. Pilersaarusiaq ataavartumik iluarsiiffigineqartassaaq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Sisimiuni atuarfiit nutarterneqarnissaa pillugu kingunerisinnaasaanik peqataatitsinissap siammasissumillu paasissutissiisoqartarnissaa pingaartumik aallartisarnermi pingaaruteqarpoq.

**Innersuussut**

Allaffeqarfiup siunnersuutigissavaa, ilinniartitaanermit, kulturimut sunngiffimmullu ataatsimiititaliap aningaasaqarnermullu ataatsimiititaliap kommunalbestyrelsimit akuersissutigineqartussanngorlugu innersuussutigissagaa,

”Sisimiuni atuarfiit nutarterneqarnissaat” pillugu pilersaarutissatut siunnersuut naapertorlugu Sisimiut illoqarfiani atuarfiit nutarterneqarnissaat pillugu suliaq ingerlateqqinneqassasoq

Atuarfiit sanaartorneqarnerinut ataatsimiititaliami borgmesterip saniatigut ilaasortassatut tullinnguuttut Kommunalbestyrelsip toqqassagai

- Ilinniartitaanermit, kulturimut sunngiffimmullu ataatsimiititaliami ilaasortaq illoqarfimmeersoq
- Teknikimut avatangiisinullu ilaasortaq illoqarfimmeersoq
- Illuatungiliuttunik politikikkut sinniisoq illoqarfimmeersoq

Sisimiuni atuarfiit nutarterneqarnissaannut qulaani eqitsit naapertorlugu 2010-mit 2015 tikillugu konto 75-90-imut isertitassatut aningaasartuutissatullu katillugit 122 mio. kr.-it immikkoortinneqassasut

Konto 75-90-imi aningaasaliissutit iluini sanaartortitsisunut siunnersortinik marlunnik atorfinittoqarnissaanut atorfinnik ukiuni 5-5½ aamma 1½-2 atuuttussanik konto 75-90-imut immikkoortitsisoqassasoq

**Aalajangiineq**

Innersuussutigineqartoq akuersissutigineqarpoq.

Toqqaasussat kommunalbestyrelsip ataatsimiinnissaanut toqqaareeqquneqarput.

**Ilanngussat**

1. ”Sisimiuni atuarfiit nutarterneqarnissaat” pillugu pilersaarutissatut siunnersuut, januar 2010.
2. Kommunalbestyrelsip 2010-mi januaarip 12-iani immikkut ittumik ataatsimiinneranit imaqarniliaq.

**Imm. 13 Immikkut aningaasaliissutinik qinnuteqaat - Sisimiuni ikuallaavik pillugu nassuiaat**

*Journalnr.*

Tunuliaqutaq

Sisimiuni ikuallaavik ukioq kingulleq ingerlalluarsimangilaq. Qammasissiap iluarsartuunneqarnissaanut, tassungalu atatillugu aningaasat isertinneqartussaagaluanut immikkut aningaasaliissuteqartoqarpoq.

Immikkut aningaasaliissuteqarnissaminut atatillugu ikuallaavimmik ingerlatsineq tamakkiisumillu atuineq pillugu nassuiaasoqarnissaanik kommunalbestyrelsi 2009-mi oktobarip 27-ani, ukioq taanna tallimassaanik ataatsimiinnermini kissaateqarpoq.

Maleruagassatigut tunngavissat

Teknikkimut Avatangiisinullu Immikkoortorta qontoqarfik 6-imut, taamaatullu ikuallaavimmu konto 68-05-10-mut akisussavoq.

Immikkut aningaasaliissuteqarnerit aningaasaqarnermut ataatsimiititaliamit suliarineqareernerisa kingorna kommunalbestyrelsimit akuersissutigineqartussaapput.

Pissutsit atuuttut

Ikuallaaviup sukannerusumik aqunneqarnissaa anguniarneqarsimavoq, soorluttaaq ikuallaavimmi aqutsisut ataatsimeeqatigineqartarsimasut. Tamanna arlalitsigut kinguneqarluarpoq. Tamatuma saniatigut Industri Tech A/S ikuallaavik pillugu nassuiaasiorpoq, ikuallaavillu pitsaanerusumik ingerlanneqarnissaanut pitsaanerusumillu pilersaarusiortoqarnissaanut suliniutit taakku pinngitsoorneqarsinnaanatik.

Ikuallaavimmu ullormut eqqakkat 20 tons-it missaat tunniunneqartarput. Ullormut 18-20 tonsit missaat ikuallanneqartarput. Qaammammut ataasiartumik ulluni pingasuni ingerlatsineq unitsinneqarallartarpoq, tamatumalu kingunerisaanik eqqakkat amerliartuinnaalersartarlutik. Eqqakkanut tunniunneqartartunut ikuallaavik ikuallaanissaminut malinnaasinnaangilaq. Imaappoq qaammammut eqqakkat 100 tonsit missaat ikuallanneqarsinnaaneq ajorlutik eqqaavissuarmit katersuinnarneqartarput. Kingullermik ikuallaavimmi qammasissiaq taarsorneqarmat ikuallaavik qaammat sinnerlugu uninngavoq. Eqqakkat ikuallanneqarsinnaangitsut matoorunneqartarnissaanut kommuni Namminersorlutik Oqartussanit akuerineqarpoq, tamassumali ingerlatiinnarneqarnissaanut Teknikkimut Avatangiisinullu Immikkoortortap qularpoq. Sulisut ilinniartinneqarnissaat, atuisunullu kissamik pilersuilluni eqqakkanik ikuallaasoqartarnissaanik paasinninnissaat pingaaruteqarpoq.

Nalunaarusiami allassimasutut, ikuallaavimmi atortut aserfallatsaalineqartuarnissaat taarsersortuarnissaallu, ikuallaaviullu uninngatinneqarneranit kingoraartissanik piareersimasuuteqarneq akikinnerummat, kingoraartissanik piareersimasuuteqartarnissaq pingaaruteqartorujussuuvuq. Allaatigineqartutut nutarterinissamut aserfallatsaalinnissamullu missingersuut C naapertorlugu 800.000 kr.-inik naleqasaq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Uuliakumik ikuallaasarneq aallarteqqippoq, solarimillu pisisarneq unitsinneqarluni. Kissaq ingerlateqqinneqartaruni ikuallaavik aamma pitsaanerusumik ingerlasinnaassaaq. Atuisunut ikitsunnguanut kissamik avammut pilersuisoqartarmat, innaallagissamik annertuumik atuisoqarluni kissaq annertoq nillusarneqartariaqartarpoq. Siunissaq ungasinnerusoq eqqarsaatigalugu atuisut amerlanersut kissamik pilersorneqartuugunik, kissarlu immamit kuummilluunniit nillusarneqartaruni akikinnerusinnaavoq. Tamanna pillugu misissuisoqarpoq, missingersuutilli C-p 500.000 kr.-it missaanniissasoq Teknikkimut Avatangiisinullu Immikkoortortap nalilerpaa.

Tamatuma saniatigut kiammik avammut pilersuinermit ruujorit misissorneqarnerisigut, Nukissiorfiullu kissamikpisiarisinnaasaanik/kissaatigisamik pissarsinissaanut tunniussinnaasumik aqutsisumik ikkussisoqarnissaa pingaaruteqarpoq. Suliniuterpasuit tamakku aaqqiissutaagallaarutaapput. Ikuallaavimmik nutaamik pitsaanerusumillu ingerlasinnaasumik, eqqakkanillu ajornartorsiuteqarneq anigorniarlugu ikuallaasarnarlu maannamut sanilliullugu marloriaatinngortinniarlugu nutaamik ikuallaavittaarnissaa ukioq mannamit aallartinneqarnissaa pisariaqarpoq. Taamaasilluni ikuallaavitoqaj ajornartoofimmi atorneqartassaaq, uuliakumillu ikuallaasarnarnermut atorneqartassalluni.

Ikuallaavik nutaaq 70.000.000 kr.-it missaanni akeqassaaq, tamannali suliffeqarfimmit siunnersuinermit ingerlataqartumik misissorluarneqassaaq.

Kissamik pilersuineq pitsaanerusoq akikinnerusorlu aamma anguniarlugu ikuallaaviup silataa qiviassallugu pingaaruteqarpoq. Ukioq kingulleq maskiinap taliusaa tallisartoq arlaleriarluni iluarsartuunneqarmat, tassungalu atatillugu sequtserinermi assartuutigineqartussanik illoqarfimmit attartortoqartarmat annertuumik atuiiffuvoq. Iluarsartuussineq 250.000 kr.-inik naleqarpoq, assartuummillu attartortarneq qaammammut 30.000 kr.-it missaannik naleqarluni. Assartuut nutaaq 900.000 kr.-it missaanni akeqassaaq. Taamaattumik aamma ikuallaaviup pitsaanerusumik ingerlanissaanut pitsaasumik assartuuteqarnissaa pingaaruteqarpoq.

Aningaasaqarnikkut allaffissornikkullu kingunerisinnaasai

Pissutsit aallaavigalugit ikuallaavik ukioq manna siunissamilu pitsaasumik ingerlassappat, ikuallaaviup pitsaasumik ingerlanissaanut atortussanik assigiinngitsunik pisinissaaq pisariaqarpoq. Allaffissorneq eqqarsaatigalugu pitsaasumik kinguneqassaaq, tamannalu ilutigalugu kissaq annertunerusoq tunineqarsinnaassaalluni. Taamaattoqassappalli innersuussutit tullinnguuttut akuersissutigineqartariaqarput.

Eqqakkat tunniunneqartartut ikuallassinnaaqqullugu nillusaasuliinissaaq pisariaqarpoq. Tamanna immamut kuummulluunniit ruujoriliinikkut pisinnaavoq, aammali allatut iliorluni kissaq innaallagissatut atorneqarluni innaallagiaq nillusaanissamut atorneqarsinnaavoq. Tamanna 500.000,- kr.-it missaannik akeqassaaq.

Nukissorfimmut kissamik pilersuineq pitsaanerusumik aqunneqassaaq, naammattumimmi kissamik peqaraluarluta Nukissiorfiit kissaatigisamisut kissaq pissarsiariaannarsinnaanngimmagu. Taamaattumik aqutsisumik nutaamik 250.000 kr.-it missaannik akeqartumik pisinissaaq pisariaqarpoq.

Tamatuma saniatigut nassuiaammik allaatigineqartutut nutarterisarnissaaq aserfallatsaalisarnissarlu pisariaqarpoq. Tamanna 800.000 kr.-inik akeqassaaq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Sisimiuni nutaamik ikuallaavittaarnissaq maannangaaq aamma misissorneqartariaqarpoq.  
Nutaanik assartuutisineq 900.000 kr.-eqassaaq.

Aningaasartuutissat katillugit 2.450.000 kr.-iussapput.

**Qullersaqarfiup oqaaseqaatai**

Avataanit sanaartornermik suliaassat annikilliarthonerat, tamatumalu malitsigisaanik akileraarutitigut isertitassaagaluit pillugit Qeqqata Kommuniata aningaasaqarnera ilungersunartumik inissisimavoq. Tamanna ilutigalugu Namminersorlutik Oqartussat 2010-mi siunissamilu ataatsimut tapiissutinit 6 mio. kr.-inik sipaaruteqarnissaq piumasaraa. Immikkut aningaasaliissutit sapinngisamik killilersorneqartariaqarput.

**Allaffeqarfiup naliliinera**

Ikuallaavik pitsaanerusequmik ingerlasinnaasoq, kissaatigisamillu kissamik pilersuisinnaanissaq angujumallugu kissaatigisamik suliniutissat nassuiaammilu allaatigineqartut ingerlanneqarnissaat pisariaqarpoq.

Taamaattumik allatigut iliuusissat asuli akissaajaataaginnassammata, imaluunniit ikuallaavimmiut oqarnerisuut kissaq atuisunut ingerlatinneqarani silaannarmut ingerlatinneqartarmat, immikkut aningaasaliisoqarnissaanik qinnuteqaatip akuersissutigineqarnissaa pisariaqarpoq.

Kissamik tunisaqarnerulernerup, nillusaasunullu annikinnerusequmik innaallagissamik atuilernerup kingunerisaanik aningaasaliineq ukiut ingerlanerini utissapput.

Tamakku suliniutigineqartuummata ingerlatsinerimi unittoortarnerit tamakkinngikkaluarlugit arlalissuit pinngitsoortinneqarsinnaapput.

**Teknikkimut Avatangiisinullu ataatsimiititaliami suliaq suliarinera**

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliamit Kommunalbestyrelsimiillu akuersissutigineqartussanngorlugu Teknikkimut Avatangiisinullu ataatsimiititaliap innersuussutigaa,

Assartuummik pisisoqarnissaanut 900.000 kr.-inik immikkut aningaasaliisoqassasoq

Nilusaat, aqutsivik allatigullu nutarterinissamut suliniutissat katillugit 1.550.000 kr.-inik naleqartussat 2011-mut missingersuusiortarnermi tulleriarinermut ilanngunneqassasut

Kommunip Namminersorlutik Oqartussanut sanaartornissamik kissaatissaanut ikuallaavik nutaaq tulleriarinermut ilanngunneqassasoq

**Aalajangiineq**

Innersuussutigineqartut akuersissutigineqarput.

**Ilanngussaq**

1. Nassuiaat Industri Tech A/S-miik
2. Assartuummik neqeroorut assillu.

**Imm. 14 Missingersuutini nuutsineq - Ilinniartut inissaanni 30-isuni isaarissanik  
innaluutilinnut naleqqusaanissaq pillugu missingersuutip A-p iluarsineqarnissaa**

*Journalnr. 06.01.03 konto 70.52*

Tunuliaqutaq

Aadammiq aqquserngani ilinniartunut inissianik 30-nik sanaartornissamut, Sisimiuni Kommunalbestyrelsi 2007-imi aggustip 28-ni ataatsimiinnermini aningaasaliissuteqarpoq. Ilinniartunut inissiassanut 30-nut inimit ataatsimut 31,2 m<sup>2</sup>-isut atsigisunut m<sup>2</sup>-imut aalajangersimasumik tapiissuteqarluni 9.079.200 kr.-inik tapiissuteqarniarluni Namminersorlutik Oqartussat nalunaaruteqarput.

Ilaatigut eqqaamiut maalaaruteqarnerisa kingunerisaanik sanaartukkap inissisimavissaata allangortinneqarnerata sanaartornermi aningaasartuutit annertusinerisa, kiassaanissamullu aqquseruinerup 1,022 mil kr.-inik naleqarnerata kingunerisaanik, aningaasaliissutitut killiliussap allangortinneqarnissaa 2009-mi maajip 29-ani kommunalbestyrelsip ataatsimiinnerani aalajangerneqarpoq.

Sisimiuni sanaartornermi innarluutilinnit tikikkuminarsaasannineq pillugu innuttaasut ilaata maalaaruteqarneratigut, sanaartukkat innaluutilinnit tikikkuminartuutinneqarnissaannik naammasseqqullugu Ineqarnermut, Attaveqarnermut Angallanermullu Naalakkersuisoqarfiup allakkatigut 2009-mi oktobarip 22-aneersutigut kommuni piunaffigaa. 2009-mi novembarip 27-ani immikkut akuersisoqarnissaanik kommuni qinnuteqarpoq, 2010-mili januaarip 18-iani itigartissut tigullugu.

Maleruagassatigut tunngavissat

Aqutsinermi inatsit aamma nammagassat suliasallu agguataarnerat pillugu Namminersorlutik Oqartussanut isumaqatigiissut naapertorlugit sanaartornermut aningaasaliinissanut kommunalbestyrelsi oqartussaavoq. Namminersorlutik Oqartussat sanaartornermut tapiissutigisartagaat, inissiat annertussusaat aallaavigalugit aalajangersimasuusarput, taamaattumillu sanaartornermi akigitinneqartoq allangortinneqarpat tapiissutaat allangussanatik. Illuliornermi malittarisassat 2006-imeersut naapertorlugit innarluutilinnut tikikkuminarsaaneq aalajangerneqarnikuvoq, tassanilu Ineqarnermut, Attaveqarnermut Angallanermullu Naalakkersuisoqarfik oqartussaavoq, Naalakkersuisullu maalaaruteqarfissaallutik.

Pissutsit atuuttut

Ilinniartut inissaannut pilersaarusiornissamik, sanaartornermillu nakkutiginninnissamik siunnersortaalluni suliffeqarfik Kitaa Arkitekter 2007-imi juulip qaammataani isumaqatigiissusiorfigineqarpoq. Kiassarnissaq naammassineqareerluni inissiaq kiassarneqalereerput. Inissiat napparneqareerput, iikkersorneqareerput iluini suliasat ingerlanneqarlutik. Aqquserngup qaffaallanneqarnissaa, inissianilu isaarissat innarluutilinnut naleqqussarneqarnissaat Kitaa-p pilersaarusioreerlugu sanasunik neqerooruteqartitsereerpoq. Matut silarliit qanoq pineqarnissaat paasineqartinnagu, assassortut ingerlariaqqissinnaanngillat. Matut nutaat M9,5-iullutik immikkuullarikkamik tikisinneqarnissaat siviruseruserpoq, matulli M10-imit silinnerusut ikkutissagaanni sanaartukkani napparneqareersuni sukarsuit allangortiterneqartinngagit ikkunneqarsinnaanngillat.

Aningaasaqarnikkut allaffissornikkullu kingunerisinnaasai

Matut silarliit piunasaqaataasut 77cm-inik silissuseqalersinniarlugit 5 cm.-imik silinnerusunik taarsersorneqarlutik M9,5-inik taarsersorneqarnissaanut, inissianilu arfineq-marlunni majorialiisoqarsinnaaqqullugu aqquserngup qaffanneqarnissaanut missingersuut A naapertorlugu aningaasartuutissat 3,447 mil kr.-iussapput.

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

Tamatuma kingunerisaanik kiassarnermut aqquitit ilanngullugit sanaartornissamut aningaasartuutissat 34,353 mil kr.-iussapput, sanaartornermilu m2-imut akeq 31.808 kr.-iussalluni.

Matumani siunertamut atugassiaallutik, kommunip suliffeqarfiutaanni isaarissani majorialiinissamut missingersuutini 1 mio. kr.-it immikkoortitaapput. Tamatuma saniatigut Namminersorlutik Oqartussat akuersissuteqarnerisigut Kangerlussuarmi kuuffissuarnik nutarterinissamut kommuni 25 mio. kr.-inik immikkoortitsinermigut, siunertamut tapiissutissaminut 2010-mi 4,05 mio. kr.-it sipaarutigisinnaavai.

**Allaffeqarfiup naliliinera**

Sanaartorneq aallartineqareersaq naammassineqartariaqarpoq, innarluutilinnullu isaarissanik naleqqusaaissamissamik Ineqarnermut Attaveqarnermullu Naalackersuisoqarfiup piumasaqaataata naammassineqarnissaanut sanaartornermi aningaasaliissutinut killissarititaasoq 3,5 mill. kr.-inik amerlineqassaaq.

**Teknikkimut Avatangiisinullu ataatsimiititaliami suliap suliarinera**

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

**Innersuussut**

Teknikkimut Avatangiisinullu ataatsimiititaliap Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigaa,

Eqitsimmi takuneqarsinnaasutut kommunip suliffeqarfiutaanni pitsanngorsaalluni isaarissani majorialiinissamut kontomit 500.000 kr.-inik, Kangerlussuarmilu kuuffissuarnik nutarterinissamut kontomit 3.000.000 kr.-inik, Sisimiuni ilinniartut inissaannut 30-nut missingersuutitigut nuutsisoqassasooq

Konto	Taaguut	2010-mut	2010-mut nuutsineq	2010-mut aningaasaliissutit
70-52-10-50-61	Sisimiuni ilinniartunut inissiat 30-t	5.804.000	+ 3.500.000	9.304.000
72-03-00-50-61	Kommunit suliffeqarfiutaani majorialiinerit	1.000.000	-500.000	500.000
72-22-30-50-61	Kangerlussuarmi kuuffissuit	4.050.000	- 3.000.000	1.050.000

**Aalajangiineq**

Innersuussutigineqartoq akuersissutigineqarpoq.

**Ilanngusaaq**

1. Missiliuut A, 2010-mi januaarip 25-anik ullulernerqarsimasooq.
2. Sanaartornermi maleruagassat naapertorlugit isaarialiinissaq pillugu Ineqarnermut, Attaveqarnermut Angallannermullu Naalackersuisoqarfiup 2010-mi januaarip 18-iani allagai.
3. sanaartornermi maleruagassat naapertorlugit Sisimiut Kommunerisimasaani kommunalbestyrelsip aalajangiisimanera maalaarutigalugu Ineqarnermut, Attaveqarnermut Angallannermullu Naalackersuisoqarfiup 2010-mi oktobarip 22-ani allagai.

**Imm. 15 Ulluunerani paarsisarfiit nerisitsisarnissaannut missingersuutini nuutsineq**

*Journalnr. 44.01*

Tuniliaqutaq

Allattoqarfiup ilisimalersimavaa ulluunerani paarsisarfiit allat isumaqatigiissutit atorneqartut ulluunerani paarsisarfunut naleqqiullugit, taamaammatt nerisitsisarneq ulluunerani paarsisarfunut naleqqussarneqartuussaapput ataatsimoortumik paaqqinnittarfunut sanilliullugit. Tamannalu tunngavigalugu immikkut aningaasaliisoqarnissaa qinnutigineqarpoq ulluunerani paarsisarfunut nerisitsisarnissamut; Misikisumut Sisisimiut, Naasunnguamut Sarfannguanut, Nuunu Itillimut, Naja-mut Kangaamiunut aammalu Inequnaaqqanut Atammummut.

Maleruagassat tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq.

Pissutsit atuuttut

Kisitsisit tunngavigineqartut meeqqamut ataatsimut aallaaviussaaq ataatsimoortumik meeqqerivinnut sanilliussissagaanni; 3.200,- kr. meeqqamut ataatsimut agguaqatigiissillugu qaammammut.

Ukununnga ulluunerani paarsisarfunut

Mikisoq Sisisimiut; 16 meeqqat x 3.200 = 51.200	= 51.200 kr.
Naasunnguag Sarfannguit; 12 meeqqat x 3.200 = 38.400	= 38.400 kr.
Nuunu Itilleq; 8 meeqqat x 3.200 = 25.600	= 25.600 kr.
Naja Kangaamiut; 32 meeqqat x 3.200 = 102.400	= 102.400 kr.
Inequnaaqqat Atammik; 16 meeqqat x 3.200 = 51.200	= 51.200 kr.
Katillugit: 84 meeqqat x 3.200 = 268.800	= 268.800 kr.

Qinnutigineqarput katillugit 268.000,- kr-nit immikkut aningaasaliiffigeqqullugit nerisaqartitsinissamut ulluunerani paarsisarfiit meerartaannut.

Aningaasaqarnikkut allaffissornikkullu kingunerisinnaasai

Meeqqamut ataatsimut agguaqatigiissillugu 3.200,- kr-uvoq, taannalu aallaavigalugu naatsorsorneqarsimalluni aningaasartuutissaq nerisitsisarnissamut, meeqqat 84-inut aningaasartuutigineqassapput 268.000,- kr-it.

Qullersaqarfiup oqaaseqaataa

Kukkuluttortoqarsimaneratigut Ilinniartitaanermit, kulturimut Sunngiffimmullu ataatsimiititaliap ataatsimeereerneratigut aatsaat Qullersaqarfiup tusarniutitut suliaq tiguaa.

Qullersaqarfiup maluginiarpa, akissarsianut nerisitsinermit aningaasartuut ilanngunneqarsimasut. Ataatsimoortumik paaqqinnittarfinni isumaqatigiissutit allat angerlarsimaffinni paaqqinninnermi sanilliullugit atuummata, meeqqerivinnit pineqartuniit nerisaqartitsinermit aningaasaliissutit akissarsianiit nuunneqarsinnaapput.



***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

**Allaffeqarfiup naliliinera**

Akissarsianut isumaqatigiissutit ulluunerani angerlarsimaffinni paarsisartunut naleqqussarneqartariaqarput ataatsimoortunut meeraaqqerivinnut, tamannalu tunngavigalugu missingersuutit nerisitsisarnermut iluarsineqassallutik. Tamannalu tunngavigalugu immikkut aningaasaliisoqarnissaanik qinnuteqarpugut nerisaqartitsisarnissamut ulluunerani paarsisarfinnut katillugit kr. 268.000,-

**Innersuussut**

Innersuussutigineqassaaq akuereqqullugu, qinnuteqaat immikkut aningaasaliiffigeqqullugu kr. 268.800,-inik, meeqqanut nerisaqartitsinissamut ulluunerani paarsisarfinnut,

**Aaliangiineq**

Karsimit immikkut aningaasaliisoqarnissaa akuersissutigineqarpoq, suliarlu aningaasaqarnermi ataatsimiisitaliamut kommunalbestyrelse-mullu aaliangigassanngorlugu ingerlateqqinneqassaaq.

**Innersuussut**

Allaffeqarfiup innersuussutigaa, Aningaasaqarnermut ataatsimiititaliap akuersissutigissagaa,

2010-mut missingersuutini ukiunilu missiliuuteqarfiusuni nerisitsinermut aningaasaliissutit ataatsimoortumik paaqqinniffinni pineqartuni akissarsianiit eqitsit tulluuttoq naapertorlugu nuunneqassasut

	Konto	Aningaasaliissutit	Nuutsineq	Nutaamik aningaasaliineq
Mikisoq – qaammammusiat	50-06-11-01-10	1.232.000	- 51.000	1.181.000
Mikisoq – nerisaqartitsineq	50-06-11-16-02	0	+ 51.000	51.000
Naasunnguit – qaammammusiat	50-06-40-01-10	952.000	- 38.000	914.000
Naasunnguit – nerisaqartitsineq	50-06-11-16-02	0	+ 38.000	38.000
Nuunu – qaammammusiat	50-06-50-01-10	672.000	- 26.000	646.000
Nuunu – nerisaqartitsineq	50-06-50-16-02	0	+ 26.000	26.000
Naja – qaammammusiat	50-06-60-01-10	2.468.000	- 102.000	2.366.000
Naja – nerisaqartitsineq	50-06-60-16-02	0	+ 102.000	102.000
Inequnaqqat – qaammammusiat	50-06-40-01-10	1.232.000	- 51.000	1.181.000
Inequnaqqat – nerisaqartitsineq	50-06-11-16-02	0	+ 51.000	51.000

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 16 Kangerlussuarmi sunngiffimmi sammisassarititanik nutarterinissamut  
Kangerlussuarmi aallaarsimaartarfimmit/illuaraq piniariartarfimmit nuutsinissaq**

*Journalnr.*

Tunuliaqutaq

Kangerlussuarmi sunngiffimmi sammisassarititaasunut illuutit sisamat, Sisimiut Kommunerisimasaata Namminersornerullutik Oqartussaasimasunit 2007-imi januaarip aallaqqaataani tiguai. Kangerlussuarmi eqaarsaartarfik aamma naluttarfik kiisalu bowling-ertarfik ataatsimiittarfilla Namminersornerullutik Oqartussat ingerlatserusunngilaq.

Tamatuma kingorna sunngiffimmi sammisassanik taaneqartunik Sisimiut Kommunua/Qeqqata Kommunua ingerlatsivoq, bowling-ertarfilla 2009-mi oktobarip aallaqqaataanit attartortinneqarpoq. Ataatsimiittarfik efterskolertut isiginnaagassiornerminnut, biograafitut il.il. akiliutitaqanngitsumik atortarniassammassuk, manna tikillugu efterskoliugallartumut atugassaritinneqarpoq. Naluttarfiup qanoq issusaa patsisaalluni atorneqarsinnaannginnera pillugu 2009-mi februaarimili atunngilaq.

Qeqqata Kommuniani illup iluani pilersaarusionermik suliallit 2009-p aasaani innersuussutigaat, sunngiffimmi sammisassarititaasut qanoq issusaannik nalilersuisoqassasoq.

Maleruagassatigut tungavissat

Nuutsinissaq Aningaasaqarnermut ataatsimiititaliap akisussaaffiisa iluiniippoq, immikkulli aningaasaliissuteqarnissaq Kommunalbestyrelsimit akuersissutigineqartussaalluni. Konto 72-ikkut 75-ikkulli Kangerlussuarmi illuaqqamik piniariarfusinnaasumik pilersitsinissaq Teknikkimut avatangiisinullu Immikkoortortap akisussaaffiisa iluiniippoq, konto 75-ili pillugu Ilinniartitaanermut, kulturimut sunngiffimmullu ataatsimiititaliap tusarniaaffigineqassalluni. Taamaasilluni Kangerlussuarmi sunngiffimmi sammisassarititaasut Ilinniartitaanermut, kulturimut sunngiffimmullu ataatsimiititaliap ataaniipput. Taamaasilluni aamma Kangerlussuarmi nunaqarfimmi aqutsisut pissutsit pillugit tusarniaaffigineqartariaqarput.

Pissutsit atuuttut

Kommunip ingeniøriata naluttarfiup qanoq issusaa nalilersornikuuaa, naluttarfillu 200.000 kr.-it missaasa tungaannut nutarterneqartariaqarsoralugu. Timersortarfiup bowlingertarfiullu misissorneqarnerisa takutippaat, taakku 300.000 kr.-it tikillugit nutarterneqartariaqartut.

2010-mut missingersuutit ukiullu 2011-mit 2013 tikillugu missiliuteqarfiusut aappassaaneerqarnerinut atatillugu kommunalbestyrelsip aalajangerpaa, Kangerlussuarmi illuaqqamut 1 mio. kr.-it 2009-mut missingersuutitigut immikkoortinneqarsimasut, Orioq-mi Kangerlussuarmilu illuaqqanik piniariartarfinnik marlunnik pilersitsinissamut nuunneqassasut. Taamaasilluni konto Kangerlussuarmi illuaqqamut konto 75-80-imit, Orioq-mi Kangerlussuarmilu illuaqqat piniariartarfinit 72-50-imut nuutaavoq.

Aningaasaqarnikkut allaffissornikkullu kingunerisinnaasai

Kangerlussuarmi sunngiffimmi sammisassarititanik nutarterinissamut, Orioq-mi Kangerlussuarmilu illuaqqanik piniariartarfinit 500.000 kr.-inik nuutsisoqassappat, ataasiinnarmik illuaqqortoqarsinnaassaaq. Illuaraq taanna qangali kissaatigineqarsimasumut Orioq-miittariaqarpoq, Kangerlussuarmimi illoqarfittaa eqqaassanngikkaanni imatut kissaatigineqarsimanngilaq. Illoqarfinnili unnuisarfeqarmat, sanaartorfinni illuaqqanik piniariartarfeqartussaannngilaq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Allaffeqarfiup naliliinera

Allaffeqarfiup nalilerpaa, Kangerlussuarmi sunngiffimmi sammisassanik nutaanik pilersitsisoqartinnagu, kommunip Kangerlussuarmi sunngiffimmi sammisassarititaminik qulakkeerinnittariaqartoq. Taamaattumik Kangerlussuarmi sunngiffimmi sammisassarititanut, Kangerlussuarmi illuaqqamit piniariartarfimmit 500.000 kr.-inik nuutsisoqartariaqarpoq.

**Innersuussut**

Kangerlussuarmi nunaqarfimmi aqutsisunit, Teknikkimut avatangiisinullu ataatsimiititaliamit, Ilinniartitaanermut, sunngiffimmut kulturimullu ataatsimiititaliamit kiisalu aningaasaqarnermut ataatsimiititaliamit akuersissutigineqartussanngorlugu allaffeqarfiup innersuussutigaa,

Oriog-mi Kangerlussuarmilu illuaqqanut piniariartarfinnut kontomit 72-50-00-50-61-imit Kangerlussuarmi sunngiffimmi sammisassarititaasut nutarterneqarnissaannut kontomut 75-81-30-50-61-imit 500.000 kr.-inik nuutsisoqassasoq

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 17 Maniitsup siunissami ineriartornissaa pillugu innuttaasut nalunaarussiaannik ingerlatseriaqqinnissaq – missingersuutini nuutsineq**

*Journalnr.*

Tunuliaqutaq

2009-mi februaarimi Maniitsumi innuttaasunut ataatsimiititsisoqarpoq, tassani kommuni Maniitsumi innuttaasut suleqatigiisitani peqataanissaanut aggersaavoq, siunissami Maniitsup ineriartoqqinnissaanut innuttaasut kissaatigisaat aallaavigalugu oqallinnissaq siunertaralugu, matumani alumini-umik aatsitsiviliornissaq pingaarnerutinneqarluni.

Innuttaasut suleqatigiit nalunaarusiorput, taannalu Aatsitassanut Attaveqarnermullu Ataatsimiititaliamut 2009-mi novembarip 3-ani ilisimatitsissutitut saqqummiunneqarluni.

Suliniutit pilersaarutillu assigiinngitsut innuttaasut suleqatigiit nalunaarutaanni siunnersuutigineqarput, piffissamilu qaninnerusumi ungasinnerusumiluunniit tamakku naammassineqarnissaat innuttaasut suleqatigiisitaannit kissaatigineqarluni. Suliniutit pilersaarutillu tamakku piviusunngortinneqassappata, Qeqqata Kommunia ingerlataqartullu allat, matumani Greenland Development ilanngullugu, innuttaasut suleqatigiit siunnersuutaasa naammassineqarnissaanut tapersersuinissaat pingaartuuvoq.

Maleruagassatigut tunngavissat

Innuttaasut suleqatigiit siunnersuutaat sammisatigut annertussutsikkullu siammasimmat, maleruagassatigut tunngavissat allanngorarpur, aamma siunnersuummiit siunnersuummut taamaalluni. Innuttaasut suleqatigiit siunnersuutaat amerlanerit Qeqqata Kommuniata aqqissuusaanera eqqarsaatigalugu ataatsimiisitaliat akisussaaffinut assigiinngitsunut innersuunneqarsinnaapput.

Pissutsit atuuttut

Innuttaasut suliniartut manna tikillugu kommunimut annertuumik aningaasartuutaanikuunngilaq. Siunnersuuterpassuit ilaat piviusunngortinneqarnissaanut suleriaqqinnissaq eqqarsaatigalugu, ilaatigut ataatsimiititalianut missingersuutaareersuni pingaarnersiunissaq pisariaqassaaq.

Aammaattaaq suliniutit ingerlariaqqinnissaanut tassungalu atatillugu inuutissarsiutitigut siuarsaannissamik suliniutissanut atugassanik aningaasanik illuartitsisoqartariaqarpoq. Pilersitsinermi tapiisutinit Maniitsumi inuutissarsiornikkut ineriartornermut tapiisutinut, matumani innuttaasut suleqatigiisit ingerlaqqinnissaat ilanngullugu 245.000 koruuninik nuutsisoqarluarsinnaavoq.

2010-mi februaarip qiteqqunnerani innuttaasut suleqatigiinnut eqimattakkaartitsilluni oqallitsitsinissamik pilersaaruteqartoqarpoq, tassungalu aningaasartuutit siunnersorteqartitsineq ilanngullugu Greenland Developmentip Qeqqata Kommuniatalu avillugit matussuserniarlugit isumaqatigiissutigisimavaat.

Greenland Development, kommuni, ilinniartoqarfiit aamma Inuutissarsiornermut Siunnersuisoqatigiit il.il. suleqatigineratigut siunissami suleriaqqinnissami siunnerfissaq pillugu oqallinnermi eqqartorneqassat naatsorsuutigineqarpoq. Innuttaasut suleqatigiit nalunaarusianni siunnersuutit ataasiakkaanut tunngasuni ingerlariaqqinnissami nalilersuinissaq pingaarnersiunissarlugu oqallinnermi eqqartorneqassat naatsorsuutigineqarpoq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Aningaasaqarnikkut allaffissornikkullu kingunerisinnaasai

Innuttaasut suleqatigiit siunnersuutaat arlallit kommunimi missingersuutaareersut iluani naammas-sineqarsinnaapput, siunnersuutinulli allanut tunngatillugu innuttaasut tungaaniit peqataasoqarneru-soqartariaqarluni. Siunnersuutit ilaat illoqarfittaassap pilersinneqarnissaanut utaqqisinnegartariaqar-put, taamaattumik siunnersuutit illoqarfiup nutaartassaamik pilersaarusionermik suliaqartuni oqal-liffinni assigiinnigitsuni ilanngunneqarsinnaapput. Kingullertut minnerunngitsumilli pilersaarutit ilaat avataanit ikiorneqarnikkut soorlu aningaasatigut tapiiffiqineqarnikkut sulisussanillu ikiorneqarnikkut aatsaat naammassineqarsinnaapput.

Allaffeqarfiup naliliinera

Aluminiumik aatsitsiviliorinissamik pilersaarut piviusunngortinneqassappat, innuttaasut pilersaarummi periarfissaqartinneqarluarnissaat anguniarlugu innuttaasut kommunimilu aaqqissuusaaneq sule-qatigiinnissaat pingaartuuvoq. Tamanna pillugu suleqatigiinneq una maannagaaq aallartinneqarnis-saaq pingaaruteqarpoq, suleqatigiinnissamilu tassani Maniitsumi innuttaasut suliniartut aallaaviullu-arsinnaapput.

Taamaattumik allaffeqarfiup pingaaruteqartut isigaa, innuttaasut siunnersuutaat assigiinnigitsut pillugit ataatsimiititaliat ataasiakkaat iliuseqartariaqartut, siunnersuutillu sapinngisamik amerla-nerpaat naammassineqarnissaat ataatsimiititaliat innuttaasut suleqatigiit suleqatiginerisigut qulak-keertariaqaraat. Innuttaasut suleqatigiit siunnersuummut isumaqataassappata akisussaaffiit aggua-taarneqarneri ilanngussaq 2-miittut tunngavigalugit tamanna pisinnaalluarpoq. Siunnersuutitsialup-passuit siunissami qaninnerusumi tamakkerlugit naammassineqarsinnaanngimmata innuttaasut sule-qatigiit pingaarnersiunissaat pillugu isumasiorneqartariaqarput.

Allaffeqarfiup nalilerpaa, ataatsimiititaliat sinnerinut soorunalumi innuttaasut suleqatigiisitaata innuttaasut suliniutaannut tunngasuni ingerlanneqarneri pillugit Aatsitassanut Attaveqarnermullu Ataatsimiititaliap ukiumut ataasiarluni marloriarluniluunniit malinnaavigisariaqaraat.

Aatsitassanut Attaveqatigiinnermullu Ataatsimiititaliami suliap suliarinera

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliaq suliarivaa.

**Innersuussut**

Aatsitassanut Attaveqatigiinnermullu Ataatsimiititaliap Aningaasaqarnermut Ataatsimiititaliamut Kommunalbestyrelsimullu akuereqqullugu innersuussutigaa,

Maniitsumi innuttaasut suleqatigiit kaammattorneqarnerat ingerlaannassasoq

Pilersitsinermi tapiissutinit (konto 37-01-20-35-03) inuutissarsiornikkut ineriartornermut tapiisutinit (konto 37-01-20-35-02) 245.000 koruuninik nuutsisoqassasoq.

Kommunip innuttaasut suleqatigiinnut siunnersuutigaa, akisussaaffiit agguataarneqarneri ilanngussaq 2-miittut naapertorlugit sulineq ingerlateqqinneqassasoq

**Aalajangiineq**

Innersuussutigineqartut akuersissutigineqarput.

**Ilanngussaq**

1. Maniitsup siunissami ineriartornissaa pillugu innuttaasut suleqatigiit nalunaarusiaat
2. Pingaarnersiornermi allattukkat tamarmiusut innuttaasut suleqatigiit siunnersuutaannik ilalik

**Imm. 18 Kommunip pilersaarutaanut tapiliusseq nr. 37**

*Journalnr 18.01.02*

Tunuliaqutaq

Iliveqarfiup allineqarsinnaanissaanut killiliussat sapinngisamik periarfissaqarluarnissaa aamma toqusunut biilit, ilerriat alakkaasullumi iliveqarfimmut ajornannginnerusumik appakaassinnanngornissaat Kommunalbestyrelsimit kissaatigineqarmat, kommunip pilersaarutaanut tapiliusseq una suliarineqarpoq. Kommunalbestyrelsimit kissaatigineqarportaaq, illoqarfiup takujuminassusia immikkoortumilu immikkuullarissuunera pigiinnarneqarlutillu pitsanngorsaavigineqassasut.

Taamaattumik Aningaasaqarnermut Ataatsimiititaliaq Kommunalbestyrelsi sinnerlugu 2009-mi maajip 22-ani aalajangiivoq, kommunip pilersaarutaanut tapiliusseq nr. 15-imi aamma kommunip pilersaarutaanut tapiliusseq nr. 29-mi sanaartorfissat marluk eqqaaneqartut § 24-mi sanaartorfioqqusaannginneri atorunnaarsinneqassasooq. § 24-mi sanaartoqqusinnitsoqartillugu pilersaarusiornermut nutaamik tunngavissaqartitsisoqartariaqarpoq, tamannalumi kommunalbestyrelsimit kissaatigineqartut siusinnerusukkut eqqaaneqarsimasut qulakkeerneqassappata pisariaqarpoq. Taamaalilluni kommunip pilersaarutaanut tapiliusseq una suliarineqarpoq.

Qeqqata Kommuniani Sisimiut illoqarfiata qiterpasissuani pilersaaruteqarfiusooq kommunip pilersaarutaanut tapiliussami pineqarpoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-meersumit issuaaneq:

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusiortitsinissaaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaasaqarfiinut pilersaarusiorneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

§ 15. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutinik arlalinnik qinigasiilluni tamanut saqqummiussisinnaavoq.

§ 16. § 15, imm. 3 naapertorlugu piffissaliusseq naappat, kommunalbestyrelsip kommunimut pilersaarutissatut siunnersuut nutaamik suliaqqillugu, siunnersuut inaarutaasumik akuersissutigisinnavaa. Tamatuma peqatigisaanik tusarniaanerup ingerlanerani akerliliissutit allannguutissatullu siunnersuutit tiguneqartut suliarineqassappat.

§ 17. Kommunalbestyrelsi kommunimut pilersaarutissatut siunnersuut inaarutaasumik akuersissutigineqareernerani pisariaqanngitsumik kinguaasaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasissutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigut allaassuteqarnersoq.

§ 18. Kommunalbestyrelsip pisariaqalernerani kommunimut pilersaarut nutartertassavaa.

§ 19. Kommunalbestyrelsi nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisinnaavoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagaliorinnaalluni, tak. §§ 15-17.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7, 26. februar 2009-meersoq

§ 1. Kommunalbestyrelsip nalunaarummi matumani maleruagassat malillugit pilersaarusionermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik atornerqarnissaannik qulakkeerinissamut suleqataanissaa nalunaarummi siunertarineqarpoq.

**Pissutsit atuuttut**

2009-mi maajip 22-ni §24-kkut inerteqqut atuutilersinneqarnikuuvoq, taamaattumik ukioq ataaseq qaangiutsinnagu tassa 2010-mi maajip 22-a qaangiutinnginnerani kommunip pilersaarutaanut tapiliussaqa akuersissutigineqartariaqarluni.

**Aningaasaqarnikkut allaffissornikkullu kingunerisinnaasai**

Kommunip pilersaarutaanut tapiliussatut siunnersuutip akuersissutigineqarnissaa.

**Allaffeqarfiup naliliinera**

Allaffeqarfik kommunip pilersaarutaanut tapiliussamik suliaqartuuvoq, taamaattumillu imassaa isumagalugu.

**Teknikkimut Avatangiisinullu ataatsimiititaliami suliap suliarinera**

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

**Innersuussut**

Teknikkimut Avatangiisinullu ataatsimiititaliap aningaasaqarnermut ataatsimiititaliamut kommunalbestyrelsimullu innersuussutigissavaa, kommunip pilersaarutaanut tapiliussaqa nr. 37 akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Kommunip pilersaarutaanut tapiliussaqa nr. 37-mut siunnersuut

## **Imm. 19 NORA pilersaarut – ”Communities for Change”**

*Journalnr.*

### Tunuliaqutaq

Qeqqata Kommunia Islandip kangiani Fjardabyggd Kommune aamma Norgep kitaani Aukra Kommune peqatigalugit pilersaarut ”Communities for Change”-mut (inuiaqatigiit allanngulernermi) Nordisk Atlantsamarbejde – NORA-mut aningaasaliissutissanik 2009-mi oktobarip 5-iani qinnuteqarpoq.

Qeqqata Kommuniata 2009-mi isumaqatigiissuteqarfiginikuusaat Syddanmarks EU-kontori ikiortigalugu ainnuteqaasiortoqarnikuuvoq.

Pilersaarummut aningaasaliissutissatut qinnutigineqartut katillugit 120.000 koruunit NORA-p 2009-mi decembarimi aningaasaliissuteqarfigivai.

### Maleruagassatigut tunngavissat

Piginneqatigiinnissamik pilersaarusiaavoq, Qeqqata Kommunia pilersaarusionermermi aqutsisuulluni.

### Pissutsit atuuttut

Alcoa-p aluminiumik aatsitsivittaava 2007-imi ammarneqartoq Fjardabyggd Kommunemiippoq. Europap avannaani gassiliorfiit immikkoortortaanni annerpaajusussaq ”Nyhamna” maanna sananeqartoq Aukra Kommunemi inissisimavoq, taannalu Ormen Lange feltet-imit gassimik pilersorneqartussaalluni.

Aningaasaliissutit Maniitsumi isumasioqatigiinnissamut atorneqassapput, tamatumani inuiaqatigiinnguit annertuumik allanngulernermik nalaataqartut ajornartorsiutigisartagaat sammeneqarnerusallutik, aamma taamatut ineriartornermi aqqussutissatut sakkussaasinnaasut paasiniallugit.

Maniitsumi isumasioqatigiinnissaq 2010-mi apriliimi pinissaa pilersaarutaavoq. Ullussaa kingusinnerusukkut aalajangerneqassaaq. Isumasioqatigiinnermi Syddanmarks EU-kontorimit peqataatitartitsinikkut ikiorteqartitsisoqassaaq. Tamatuma saniatigut atlantikumi nunanit peqataasussanik marlunnik qaaqquisoqarumaarpoq, taamaaliortoqarneratigut kingusinnerusukkut annertuumik pilersaarusiortoqarnissaanut piginneqatissat attveqarfigineqaleriissapput.

Allanngoriartulerfiit siuliini eqqaaneqartut samminerullugit pingaarnertut pilersaaruteqarnermi NORA-mut qinnuteqaateqarnissaq isumasioqatigiinnermi aallaaviginerunissaa pilersaarutaavoq. Pingaarnertut pilersaarut Noramit qanoq annertutigisumik tapiiffigineqarsinnaassanersoq sulilisi-maneqanngilaq, soorlu aamma pingaarnertut pilersaarummut tapiiffigineqarnissamik qinnuteqaatissaq qanoq anertutigissanersoq aamma tassungalu aningaasartuutissat qanoq annertutigissanersut ilisimaneqanngitsoq.

### Aningaasaqarnikkut allaffissornikkullu kingunerisinnaasai

Pilersaarummut Nora-mit aningaasaliissutit angalanermi isumasioqatigiinnermilu aningaasartuutitut atorneqassapput, pilersaarusionermili suleqatigiit matumani Qeqqata Kommunia ilanngullugu sulisoqarnermut allaffissornermullu tunngasunik tapiissuteqassapput. Qeqqata Kommuniata aamma akuersissutiginikuuaa, Syddanmarks EU-kontorimit peqataatitsinissaq matussusiiffiginiallugu, tamannalu EU-kontoret aqqutigalugu akilereernikuuarput. Taamaalluni missingersuutitigut aningaasaliissutit saniatigut aningaasaqarnikkut annertunerusumik kinguneqassanngilaq.



***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

**Allaffeqarfiup naliliinera**

Pissutsit allangulerfiini ingerlariaatsit pillugit ilisimasat pilersaarutikkut annertusarneqassapput, illoqarfinnilu atlantikumiittuni Maniitsumitut/ Qeqqata Kommuniiani assigusumik ajornartorsiuteqartuni pingaarutilimmik attaveqaataasinnaalissalluni.

**Aatsitassanut Attaveqaqatigiinnermullu Ataatsimiititaliami suliap suliarinera**

Aatsitassanut Attaveqaqatigiinnermullu Ataatsimiititaliap februaarip 2-ani 2010-mi ataatsimiinnermini suliaq suliarivaa.

**Innersuussut**

Aatsitassanut Attaveqaqatigiinnermullu Ataatsimiititaliap aningaasaqarnermut ataatsimiititaliamut akuersissutigeqqullugu innersuussutigissavaa,

Nora pilersaarut ”Communities for Change” pingaarnertut pilersaarutinngortinniarlugu allaffeqarfinnit suliaq ingerlatiinnarneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. NORA-mit qinnuteqaat ilanngussartalik 2009-mi oktobarip 5-ianeersoq.

## **Imm. 20 Kommunip suliassaataanik sulariumannittussarsiuussineq**

*Journalnr.*

### Tunuliaqutaq

Kommunip suliassaataanik namminersortunngorsarneqarnissaannut sulariumannittussarsiuunneqarnissaannullu suliniutit amerlanerusut kommunalbestyrelsip ujartornikuuai. Taamaasilluni Sisimiuni majuartaateqarfiup aamma Sisimiut Kangerlussuullu akornanni takornarissanut illuaqqanik ingerlatsinerup namminersortunngorsarneqarnissaat kommunalbestyrelsip akuersissutiginikuuai, soorluttaaq aallaarsimaartarfik Assaqaq-mik ingerlatsineq sulariumannittussarsiuunneqarnikuusoq.

Sulariumannittussarsiuussisarneq pillugu ataatsimiititaliamik pilersitsisoqarnissaa politikikkut aamma kissaatigineqarnikuuvoq. Tamatumunnga atatillugu allaffeqarfiup innersuussutigaa, ataatsimiititaliat kiffartuunneqarnerannut atatillugu suliassaqarpallaartarneq eqqarsaatigalugu ataatsimiititalianik pilersitsisoqaqqissanngitsoq. Taamaakkaluartorli politikikkut kissaatit allatigut sularineqartarnissaannut allaffeqarfik piareersimavoq.

### Maleruagassatigut tungavissat

Oqartussaassuseqarfigalugit suliassat ataasiakkaat eqqarsaatigissanngikkaanni, kommunip kiffartuussinermi suliassaataanik namminersortut sularinninnissaannut kommunalbestyrelsi nammeneq aalajangiisnaatitaavoq. Kommunip kiffartuussinermi suliassaataanik namminersortunngorsaanermut atatillugu kommunimi sulisussarititaasut allanngornerat kommunalbestyrelsimit akuersissutigineqassaaq. Killiliussat iluini missingersuutitigut nuutsinerit aningaasaqarnermut ataatsimiititaliap pisinnaatitaaffiisa iluaniissagaluarpoq.

### Pissutsit atuuttut

Eqqaaneqartutut namminersortunngorsaasimanerit sulariumannittussarsiuussisimanerillu akuersissutigineqarsimasut saniatigut Sisimiuni, Maniitsumi Kangerlussuarmilu bussinik ingerlatsinerit namminersortunngorsarneqarnissaat sulariumannittussarsiuunneqarnissaallu Teknikkimut avatangiisinullu Immikkoortortap iluani sulissutigineqarpoq.

Tamatuma saniatigut namminersortunngorsarneqarnissaannik/  
sulariumannittussarsiuunneqarnissaannik suli aalajangiiffigineqanngitsunik misissuinerit ingerlapput.

Namminersortunngorsaanernut sulariumannittussarsiuussinernullu suliniutit amerliartortillugit kommunip taakkununga ilisimasai amerliartuinnarput, immikkoortunilu allani aamma atorqarsinnaallutik. Taamaattumik ataatsimiititaliat ataavartut assigiinngitsut ingerlatsinermik akisussaaffillit, akisussaaffimmi iluini kinguneqarluartussamik namminersortunngorsarneqarsinnaasut sulariumannittussarsiuunneqarsinnaasullu pillugit siunnersuusiortariaqarput.

### Aningaasaqarnikkut allaffissornikkullu kingunerisinnaasai

Namminersortut neqeroorutigisaat qaffasippallaassappata, sulariumannittussarsiuussinermi neqeroorutigineqartut itigartinneqaannassapput. Kommunip nammeneq aningaasartuutaannut sanilliullugu neqeroorutigineqartoq appasinnerussappat sipaaruteqaataassaaq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Neqeroorutigineqartoq kommunip aningaasartuutigisartagaanut nikinganngippat, pingaartumik Qeqqata Kommuniani namminersorlutik inuutissarsiortut siuarsarneqarnissaat eqqarsaatigalugu suliassat namminersortunngorsarneqarnissaannut suliariumannittussarsiuunneqarnissaannullu politikkikkut tunngavissaqarluarsinnaavoq.

Allaffeqarfiup naliliinera

Allaffeqarfiup nalilerpaa, namminersortunngorsaanissanut suliariumannittussarsiuussinissanullu atortussanik suliaqarnermi aningaasartuutit qaffasippallaassanngippata, kommunip kiffartuussinermi suliassaataanik namminersortunngorsaanissat aamma/imaluunniit suliariumannittussarsiuussinissat iluaqutaaginnassasut.

**Innersuussut**

Allaffeqarfiup innersuussutigaa, aningaasaqarnermut ataatsimiititaliap akuersissutigissagaa,

Ataatsimiititaliat ataavartut suliassaqarfimmi iluini kommunip suliassaataasa namminersortunngorsarneqarnissaannut aamma/imaluunniit suliariumannittussarsiuunneqarnissaannut 2010-mi apriliip aallaqqaata tikitsinnagu siunnersuutininik nassitseqquneqassasut

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqaanngilaq

## **Imm. 21 Inuutissarsiutitigut 2010-mut pilersaarut**

*Journalnr. 66.15*

### Tunuliaqutaq

Qeqqata Inuutissarsiutitigut siunnersuisooqatigiivinit Qeqqata Kommunianiillu sinniisut Inuutissarsiutitigut 2010-mut pilersaarutissatut siunnersuutaat, Qeqqata Kommuniata Inuutissarsiutitigut ineriartortitsinissamut ataatsimiititaliaata 2009-mi decembarip 10-ani akuersissutigaa.

### Maleruagassatigut tunngavissat

Qeqqata Kommuniata Qeqqata Inuutissarsiutitigut siunnersuisooqatigiivinit 2010-mut kiffartuussinissamik isumaqatigiissutaa.

### Pissutsit atuuttut

Inuutissarsiutitigut ineriartortitsinissami suliaasat siunnessami qaninnerusumi ungasinnerusumilu naammassineqarnissaat pillugu Qeqqata Kommuniata Inuutissarsiutitigut pilersaarutaatigut maleruagassaqarpoq.

Qeqqata Kommuniani isertitaqataasinnaasunik, suliffissaqartitseqataasinnaasunik, taamatullu tamat atugarissaarnerannut qaffassaaqataasinnaasumik Qeqqata Kommuniani eqeersimaartumik, nammaneqarsinnaasumik, akillu appasissusiannut/qaffasissusiannut (nikerarnerat) pituttorsimangitsumik inuutissarsiornissap ataavartumik ineriartortinneqarnissaanut pilersaarutitigut anguniagassatigut qulakkeerneqassaaq.

Ilaatigut inuutissarsiutitigut pilersaarutip atuutilersinneqarnissaanik imaqartumik 2010-mut kiffartuussinissamik isumaqatigiissummik kommuni Qeqqata Inuutissarsiutitigut siunnersuisooqatigiivinit kiffartuussinissamik isumaqatigiissuteqarpoq. Kommunip inuutissarsiutitigullu siunnersuisooqatigiit Inuutissarsiutitigut 2010-mut pilersaarummut pisussaaffinnik kiffartuussinissamik isumaqatigiissut nassuiaatitaqarpoq.

Kiffartuussinissamik isumaqatigiissummi allassimavoq, ”Qeqqata Inuutissarsiutitigut siunnersuisooqatigiivi ukiuni tulluuttuni atuuttussamik ukiut tamaasa inuutissarsiutitigut takornariaqarnermullu pilersaarusiortassaaq”.

Ukiut siuliisut Inuutissarsiutitigut 2010-mut pilersaarummi attaveqarneq, ilinniartitaaneq, nutaaliorneq, paasisutissiisarneq kiisalu illoqarfinni nunaqarfinnilu ataasiakkaani nunami pissutsit allaaserineqarput.

Inuutissarsiutitigut 2010-mut ineriartortitsinissami anguniagassat ersarinnerusumik nassuiaatigineqarnerat killiliussatigut aallaavissinneqarput. Anguniagaqarfiusut tassaapput:

- Attaveqarneq
- Ilinniartitaaneq nutaaliornelru
- Kommunip teknikkikkut suliaasaataasa neqeroorutigineqarnerat
- Pisuussutit uumassusillit
- Aatsitassat
- Takornariaqarneq

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Immikkoortunut tamanut iliuusissatut pilersaaruteqarpoq, taakkunanilu anguniagassani ataasiakkaani suliassat nassuiaatigineqarlutik. Taamaasilluni nalinginnaasumik inuutissarsiutitigut ineriartortitsinissaq, aamma pingaartumik takornarialerinerup ineriartortinneqarnissaa – soorlu tamanna kiffartuussinissamik isumaqatigiissummi piunasaqaatini allassimasoq – Inuutissarsiutitigut 2010-mut pilersaarummi ilaatinneqarput.

**Aningaasaqarnikkut allaffissornikkullu kingunerisinnaasai**

Inuutissarsiutitigut 2010-mut pilersaarutip atuutilerneqarnissaanut aningaasat, 2010-mut missingersuutitigut aningaasaliissutini assigiinngitsuni immikkoortinneqareerput.

Tamatuma saniatigut kiffartuussinissamik isumaqatigiisut naapertorlugu Inuutissarsiutitigut 2010-mut pilersaarutip atuutilerneqarnissaanut tunngatillugu pilersaarutit aalajangersimasut naammassineqarnissaannut Qeqqata Inuutissarsiutitigut siunnersuisooqatigiivi aningaasanik qinnuteqarnissaminnut periarfissaqarput.

**Innersuussut**

Aningaasaqarnermut ataatsimiititaliamut innersuussutigineqassaaq, Inuutissarsiutitigut 2010-mut pilersaarut kommunalbestyrelsimit akuersissutigineqarnissaa innersuussutigineqassasoq.

**Aalajangiineq**

Imm. 21 kommunalbestyrelsimut ingerlannginnerani iluarsisassartai aaqpinneqassapput.

Innersuussutigineqartoq akuersissutigineqarpoq.

**Ilanngussaq**

1. "2010-mut ukiunullu 2011-mit 2013 tikillugu missiliuteqarfiusunut Qeqqata Kommuniata Inuutissarsiutitigut pilersaarutaa" kalaallisut qallunaatullu.

**Imm. 22 KANUKOKA-p 2010-mi maajimi Ilulissani aallartitanut ataatsimiisitsinissaanut  
ilaasortaanermut akiliutaasartuq pillugu oqaluuserisassatut siunnersuut**

*Journalnr. 00.06.01*

Tunuliaqutaq

2010-mi maajip 19-iani 20-anilu KANUKOKA aallartitanut Ilulissani ataatsimiisitsinissaq. Tamatumunnga atatillugu KANUKOKA allakkatigut 2009-mi decembarip 28-aneersutigut kommunip piumaffigai, malittarisassat naapertorlugit ataatsimiinnissaq kingusinnerpaamik qaammatinik pingasunik sioqqutsisumik, imaappoq kingusinnerpaamik 2010-mi februaarip 19-iani, oqaluuserisassatut siunnersuutinik nassitsississasut.

Maleruagassatigut tunngavissat

KANUKOKA-p malittarisassai 2008-mi septembarip 25-aneersut, aallartitat Ilulissani ataatsimiinerini akuersissutigineqartoq.

Ilaasortaanermut akiliutit pillugit § 13-imi imm. 1-imi ima allassimavoq:

*"Kattuffiup aningaasartuutaanut matusissutissanik kommunit Kattuffimmu ilaasortaausut tamarmik akiliisassapput ilaasortaanermut akiliutinik, ukiumoortumik angissusilerneqartartunik aallartitatut katersuuttartunit.*

*Ilaasortaanermut akiliutit angissusilerneqassapput innuttaasumut ataatsimut ukiumut ataatsimut akiliutit.*"

Pissutsit atuuttut

Aningaasaqarnermut ataatsimiititaliap 2009-mi novembarip 10-ani ataatsimiinnermini aalajangerpaa, ilaasortaanermut akiliutaasartup tullinnguuttut patsisigalugit qaffanneqarnissaa KANUKOKA-mut qaqqinneqassasoq:

"Kanukoka oktobarip 5-ni 2009-mi mailkkut nalunaaruteqarput, 2010-mi kattuffimmu akiliut Qeqqata Kommuniannut 2.190.953 koruuniussasoq. Taamaallaat 1.953.000 koruunit Kanukokamut akiliutissatut missingersuutiniipput.

Taamaattumik suli 238.000 koruuninik 2010-mi missingersuutitigut ukiunullu missiliuteqarfiusunut iluarsissuteqarnissaq pisariaqarluni.

Aningaasaqarnermut immikkoortortaq isumaqarpoq, kattuffimmu akiliutissaq minnerujussuusariaqaraluartoq. Aaqqissuusseqqinneq kommuninik ikilileriffiuvoq, aningaasaqarnermullu immikkoortortaq isumaqarpoq, kommunit kattutinnginnerini Kanukokap kommunit minnerit sullitarinerugai. Kommunit ikinnerulernerini Kanukokamut aningaasartuutitigut annertuumik millileriffiusutut takussutissaqartariaqaraluarpoq, 2008-mimi naatsorsuutitigut 51 mio. koruuninik aningaasaateqartoq takuneqarsinnaavoq."

Kommunalbestyrelsip 2009-mi novembarip 24-ani ataatsimiinnermini missingersuutinik akuersissuteqarnermini, ilaasortaanermut akiliutip qaffanneqannginnissaanut kommuni isumaqataanninnera pillugu KANUKOKA allaffigineqarnissaanik aningaasaqarnermut ataatsimiititaliap aalajangiinera akuersissutigaa.

Aningaasaqarnikkut allaffissornikkullu kingunerisinnaasai

KANUKOKA-mut ilaasortaanermut akiliutip qaffanneqarnissaa, ilaasortaanermullu akiliut ukiut tamaasa qaffakkiartuinnartup, Qeqqata Kommuniata missingersuutaanut 238.000 kr.-inik qaffaataavoq, takuuk eqitsit ataaniittoq.

***Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera***

Eqitsit 1. KANUKOKA-mut ilaasortaanermut akiliutissat

	2007		2008		2009		2010	
	Aningaasa- liissutit	Atuineq	Aningaasa- liissutit	Atuineq	Aningaasa- liissutit	Atuineq	Aningaasa- liissutit	Atuineq
Sisimiut	1.236.000	1.215.647	1.236.000	1.251.735				
Maniitsoq	717.000	710.004	727.000	726.930				
<b>Katillugit / 2009-mit Qeqqata Kommunia</b>	<b>1.953.000</b>	<b>1.925.651</b>	<b>1.963.000</b>	<b>1.978.665</b>	<b>1.953.000</b>	<b>2.108.299</b>	<b>2.191.000</b>	

Eqitsimmi takuneqarsinnaasutut, Maniitsup Sisimiullu Kommunerisimasaasa kattunneqarnerat sioqqullugu KANUKOKA-mut ilaasortaanermut akiliut 2 mio. kr.-inik annerusimangilaq.

Ilaasortaanermut akiliutip qaffanneqarnerata kingunerisaanik kontonit allanit aningaasanik aallertoqartariaqarsimasoq, tamatumalu kingunerisaanik naggaterpiaatigut innuttaasunik sullissiniarnermik ajornerulersitsisinnaasumik immikkoortuni allani allaffissornikkut kingunerluppoq.

Qullersaqarfiup naliliinera

Aaqqissuusaaernerup allangortinneqarneratigut ingerlatsinermi aningaasartuutit annikillisinneqarnissaat, ilutigittullugulu tamanut iluaqutaasinnaasut siuarsarneqarnissaat siunertaavoq.

Kommuninut 2010-mut ataatsimoortumik tapiissutit 2009-mut sanilliullugit 43,1 mio. kr.-inik annikillisinneqarnerisigut annikillieriarujussuupput, tamatumalu kingunerisaanik kommunit 2010-mut missingersuutitigut sipaaruteqarniarnerminni suli 6 mio. kr-it missaannik sipaarutissanik ujartuisariaqarlutik.

KANUKOKA kommuninut peqatigiiffittut aamma aaqqissuusseqqinnermi ataatsimiititaliap innersuussutaa malillugu ingerlatsinermi aningaasartuutit ikilisinneqarnissaannik kinguneqartussamik sulisuminik ikilisaasariaqaraluarpoq, ilaasortaanermummi akiliutip qaffanneqarneratigut kommunit, ilaasortaanermut akiliutit qaffakkiartornerisa kingunerisaanik, kommuninullu ataatsimoortumik tapiissutit annikillieriarujussuarneratigut eqqugaareeqisut aallerfiginagit.

Tamanna tunuliaqutaralugu kommunit missingersuutaat sipaaruteqarfioreeqisut isumalluutigalugit KANUKOKA-mut ilaasortaanermut akiliutip 238.000 kr.-inik qaffanneqarnissaa qullersaqarfiup tungavissaqarsorinngilaa.

**Innersuussut**

Aningaasaqarnermut ataatsimiititaliamit akuersissutigineqartussanngorlugu innersuussutigineqassaaq, KANUKOKA-p aallartitanut ataatsimiisitsinissaanut tullinnguuttoq ataatsimiissutissatut siunnersuutitut nassiunneqassasoq:

2010-mut missingersuutitut sanilliullugu ilaasortaanermut akiliutip 20 %-imik appartinneqarnissaa aallartitat 2011-mut missingersuutitut isummerfiginninnissaat pillugu Qeqqata Kommuniata KANUKOKA-p aallartitanut ataatsimiisitsinissaanut oqaluuserisassatut nassiutissagaa.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq



**Imm. 23 Aningaasarsianit akileraarutit pillugit inatsisartut inatsisaata oqaaseqaatitai ilanngullugit allannguutissaattut siunnersuutip tusarniutigineqarnera – 8.2.2010-mi malinnaatinneqarpoq**

*Journalnr. 08.01.00*

Tunuliaqutaq

KANUKOKA januaarip 12-ni 2010-mi aningaasarsianit akileraarutit pillugit inatsisartut inatsisaata allannguutissaatut siunnersuutip saqqumiunneqannginerani allakkatigut kommuni tusarniutaasumut akissuteqaqqallugu qinnuigivaa.

Tusarniaanermi atortussani nassiunneqartuni takuneqarsinnaavoq, inatsimmi allanngortinniakkat tulliuuttunut tunngasuusut:

- § 19, imm. 9 sulisitsisup biliisa inuinnartut biileralugit atorneri
- § 58 a – c kapitali nutaajuvoq 5 a – piginneqatigiiffiit killilimmik akileraaruteqartusaatitaasut allanngortinnerini piniarsinnaatitaanermilu akuerissutit pigisat tunineri, tassa ”farm out”-nik taaneqartartut
- § 68, imm. 2 akileraaruseriffiit kommunitut akileraarfissatut
- § 72 a aamma b (nutaaq) tamakkiisumik akileraarut.

Maleruagassatigut tunngavissaq

Aningaasarsianit akileraarutit pillugit Inatsisartut inatsisaat nr. 12 af 2. november 2006-meersoq.

Pissutsit atuutut

Inatsisip § 19-ata allannguutissaatut siunnersuut inatsisikkut akileraarusiisarnermi periutsinik erseqqissaataavoq.

Inatsisissatut ilanngussassatut siunnersuut § 58 a – c kapitalit nutaatut 5 a – pineqarput piginneqatigiiffiit killilimmik akileraaruteqartusaatitaasut allanngortinnerini piniarsinnaatitaanermilu akuerissutit pigisat tunineri, tassa ”farm out”-nik taaneqartartut.

Inatsisip § 68, imm. 2-anut allannguutissatut siunnersuut alumiiniumik aatsiteriffiliorneqarissat, erngup nukissiorfiliorneqarissat, aatsitassarsiorfiliornerit taamatullu uuliamik qalluinissatut attuumassuteqarpoq. Allannguutissatut siunnersuutini ilaatigut akileraartusaatitaanermut tunngasut taamatullu piginneqatigiiffiit tamakkulu sulisussaasa kommuni akileraarfissaat isummerfigineqarput.

Inatsisissatut siunnersuummi oqaaseqaatini takuneqarsinnaavoq, aatsitassarsiornermi taamatullu sermimut imermullu tunngasutigit nunatta avataaneersunut akileraarutissat, pisarnertut nunatta karsianut akileraarutaasassat. Alumiiniumik aatsiteriffiliorneqarissat pilersaarummut atatillugu periuseq taanna aamma atorneqassaaq, sanaartornerulli nalaannaani.

Inatsisimmi §§ 72 a-mi aamma b-mi allannguutissatut/ilassutissatut siunnersuutit, matuma qulaani inuussutissarsiuqarfinnut taaneqartunut aamma attuumassuteqarput, allannguutissallu kingunerisallugu, tamakkiisumik 30 procentimik akileraartarnissaq eqqunniarneqartoq, pingaartumik nunatta avataanersunut.

Immikkut sulisussatut pissarsiarineqarsimasut eqqarsaatiginerullugit tamakkiisumik akileraarutit eqqunnerata malitsigisaanik, assigiimmik suliaqarlutik akileraartartut aningaasarsiatigut naligiingitsumik pineqalissapput.

*Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera*

Pissutsit atuuttut pillugit sukumiinerusumik allaaserisaq suliamik suliaqarnermi suliarineqartumi suliamut tunngatillugu allakiami suliaavoq. Allakiaq taanna ilanngussaq 2-tut innersuussutigineqarpoq.

Aningaasaqarnikkut allaffissornikkullu kingunerisinnaasai

§ 19-imut kiisalu § 58 a-miit c-mut allannguutissat siunnersuutit eqqarsaatigalugit, tamakku kommunimi aningaasaqarnikkut imaasiillaannaq sunniuteqartussaangillat, taamaattumillu oqaaseqaatissat tulluuttut § 68, imm. 2-mut kiisalu § 72 a-miit – b-mullu allannguutissanut tunnganerussallutik.

Maniitsumi alumiiniumik aatsiteriffillioarnissamut atatillugu misissuinerit aningaasarsianit akileraarutit pillugit inatsisip atuuttup takutippaa, misissuineri, sanaartornermi ingerlatsinermilu sulisus-sat akileraarutissaat Kommuni Namminersorlutillu Oqartussat akornanni agguataaneqassasut. Inatsissat siunnersuutissat saqqummiunneqartut oqaaseqaatitaat ilanngullugit takussutissiippat, Akileraaruseriffik (tassalu Namminersorlutik Oqartussat) aatsiteriffiliornerup nalaani akileraaqrfiusussa-tut isigineqassasut, tassa sulisussat sulilinginnerimni qaammatini arfinilinni kalaallit nuaanniisimannngippata. Aatsaallu aatsiteriffiassa q naammassilluni atulerpat sulisut tamakkerlugit isigalugit akileraarutaat, maleruagassat atuuttut naapertorlugit Kommuni Namminersorlutillu Oqartussat agguaqatigiittassallugit.

Alumiiniumik pilersaarutip erngup nukissiorfittassaa alumiiniumillu aatsiteriffittassaa, sulisussat nunanit allaneersorpasuit atorlugit ukiut 5-it 6-illu akornanni sanaartorneqartussat naatsorsuutigineqarmata, aningaasat millionerpassuit pineqarput, Namminersorlutik Oqartussat kommunimiit tigusassai, tassa pilersaarussiaq piviusunngortinneqassappat. Taamatut aamma issalluni aatsitassarsiorfiliorerit, uulimik gassimillu qalluinerit taamatullu sermimik imermillu pilersaarutit sanaartornissaatigut ingerlatinnissaatigullu periarfissat eqqarsaatigalugit.

Inatsissat siunnersuutitut oqaaseqaatini ilanngullugu saqqummiunneqarpoq, assersuutigalugu Alcoa pillugu pilersaarummut atatillugu nunatta karsiata inissiat, meeqqeriviit, aqqusinniorneq il.il. aningaasartuutigissussagai, soorlu aamma pilersaarusiorerit ineriartortinnerinut aningaasartuutit nunatta karsiata aningaasartuutiginikuugai.

Maniitsumi illoqarfiup nutaartassanik sanaartornissami suleqatigiissitaq Kalaallit Nunaanni Namminersornerullutik Oqartussat/Namminersorlutik Oqartussat kiisalu Qeqqata Kommunianit arlariillutik peqataaffigisaanni maannamut isumaqatigiissutigivaat, illoqarfiup nutaartassanik kommunitulluuttutigit aningaasartuutissaqassasoq, illoqarfiup pilersaarusiornerni, aqqusinniornerni, qaartiterinerni, kuuffissualersornermi, ikuallaaviliornermi, sanaartorfigissaanerni, meeqqeriviliortiternerni, sunngiffimmi ornatassaliortiternerni kiisalu utoqqarnut inissialiornerni. Tamakkulu kommunip sanaartortitassai, aallaavittut naatsorsuineri 205 mio. koruuninik naliligaallutik.

Tamakku saniatigut inissialiortiternissami, timersortarfiliornissami kulturikkut illorsualiornissamut kommunit akileeqataassanersoq suli aalajangiunneqanngilaq, tamakkulu aallaavittut 1 mia. koruuninik naliligaallutik.

Taamaattumik kommunit illoqarfiup nutaartassanik sanaartugassat assigiinngitsut eqqarsaatigalugit aamma aningaasartuutissarpasuaqassaaq, taamaakkalu inatsisissat siunnersuutikkut sanaartornerup nalaani isertitassat eqqarsaatigalugit pissarsiassaqaartitaassanani.

*Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera*

Namminersorlutik Oqartussat pilersaarutitigut ineriartortitsinermut aningaasartuutai eqqarsaatigalugit, 2010-mi Aningaasanut Inatsimmi takuneqarsinnaavoq, Kalaallit Nunaanni Namminersorlutik Oqartussat pilersaarummik ineriartortitsinermi aningaasartuutaat Alcoa-miit utertinneqartussaasut, akuersissuteqartoqassappat (koncessioneqarnissaq toqqarneqassappat). Piginneqatigiinnissaq toqqarneqassappat, siunissami piginnittutut pisassaannut sanilliullugu Namminersorlutik Oqartussat Alcoallu aningaasartuutit avissavaat. Naatsorsuutigineqarporlu, taamaattoqassappat taama piginnittutut pisassat siunissamut ata-tillugu iluanaarutaalerumaartut piginneqatigiiffiup sinneqartoorteqartarnissaatigut.

Taamaattoqassappallu Namminersorlutik Oqartussat pilersaarusionermik ineriartortitsinermi aningaasartuutigisimasaat utertinneqassapput imaluunniit isertitaqaataalerlutik, tamakkunuuna aningaasartuutaasimasunik annertunerusunik, tassa alumiiniumik aatsiteriffissaq piviusunngortinneqarpat.

Alumiiniumik aatsiteriffiliorinissami aatsitassarsionissamilu taamatullu uuliamik gassimillu qalluisoqarlernissaani ilanngullugu naatsorsuutigisariaqarpoq, Namminersorlutik Oqartussat koncessionikkut isertitaqalernissaat. Taamaattoqassappallu inuussutissarsiutitigut pilersaarutitigut Namminersorlutik Oqartussat aningaasarsianit akileraarutitigut Akuersissummullu akileraarutikkut (koncessioneqarnikkullu akiliutitigut) isertitaqalissalluni taamatullu aamma piginneqatigiiffiup iluanaarutaasigut, tassa alumiiniumik aatsiteriffiliorinissamik pilersaarummik, Nuna Minerals-imik kiisalu Nuna Oil-imik piginnittutut. Taavalu kommunit kisimik aningaasartuutinik isertitaqaataannigitsunik nammattuulissalutik.

Tamakkiisumik 30 procentinik akileraaruteqarnissamik eqqussinissaq eqqarsaatigalugu, alumiiniumik pilersaarummut atatillugu kommunip missingersuutaasigut aningaasaqarnikkut tamanna qanoq sunniuteqarumaarnersoq massakkut naliliiffigiuminaappoq, tassa siunissami alumiiniumik pilersaarummut atatillugu sulisussat qanoq katitigaajumaarnissaat ilisimaneqanngimmat.

Alumiiniumik pilersaarummi inuussutissarsiutissatullu pilersaarutit annertuut allat eqqarsaatigalugit sulisussat nunanit allaneersut, kalaallit nunaanni akissarsiatigut inissisimaneq atussappassuk, taava sulisitsisut nunanit allaneersunik sulisoqarusunnerusussaassapput akileraariaatsikkut aaqqissuussi-neq eqqarsaatigalugu. Nunanit allaneersunit akileraarutitigut isertitat Namminersorlutik Oqartussanuinnaq tuttussaammata, taava tamakkiisumik 30 procentinik akileraaruteqartitsiniarnermik siunnersuut kajumissaarutitulluannigisoq nalunngikkaluarlugu ilisimanaguluunniit eqqunniarneqarnera torralataannigilaq.

Taamaalilluni Namminersorlutik Oqartussaniit inatsisissatut siunnersuutikkut sulisussat nunanit allaneersut salliutinneqarput, aammalu sulisussanit nunanit allaneersunit isertitassat Namminersorlutik Oqartussanuinnaq tuttussaallutik.

Allaffeqarfiup naliliinera

Aningaasarsianit akileraarutit inatsisaanni § 19-imut aamma § 58 a-miit c-mut allannguutissaattut siunnersuutit kommunimut imaliinnarlutik sunniuteqassanngillat, taamaattumik taakku allaffeqarfiup oqaaseqarfiginngilai.

Illuatungaatigulli § 68 imm. 2-p aamma § 72 a-p b-iillu akuersaarneqarsinnaanngulluinnartunik imaqarlutik, tamakkunuuna sulisut nunanit allaneersut akileraarutaasigut isertitatigut kommuni ullumikkumut pissarsiassaqaarani. Tamannalu pisarluni, naak suliaassanik nammaqatigiinnissaq agguaqatigiinnissarlu allannguuteqanngikkaluartoq, taamaalillutillu kommuni soorlu illoqarfiup nutaartassani sanaartugassatigut il.il. suli aningaasartuutitigut kisimi nammattussaassalluni.

Paragraffit taakku marluk aaqqissusseqqinnerup anguniagaanut siunertaanullu akerliulluinnarput, kommunimmi akisussaaffeqarnerulernissaat siunertaagaluarmat. Tamanna isertitaqarfissaraluinik assaartorlugit anguneqarnaviangilaq.

Peqatigitillugulu aamma kajumissaarut torrallataangiivilluni, inuussutissarsiutitigut ineriariartortsinissamut sanilliullugu kommuninut allaffissornikkut suliaassat tigonissaat akilerluarnerusinnaassap-pat. Aningaasarsiatigut akileraarutit inatsisaata allannguutissaannik siunnersuutitigut allaffissornermut tunngasut inuussutissarsiutitigut ineriartortitsinermut sanilliullugit salliutinnissaat pingaarnerulersimasorinarpoq.

### **Innersuussut**

Allaffeqarfiup innersuussutigissavaa, Qeqqata Kommuniata KANUKOKA-p tusarniutaanut akissteqataagallartussatut siunnersuutit Aningaasaqarnermut ataatsimiititaliap akuersissutigissagai

### **Aalajangiineq**

Innersuussutigineqartoq akuersissutigineqarpoq.

Aamma suliaasaq unitsillugu kinguartissinnaanera siunnersuutigineqassaaq.

### **Ilanngussat**

1. Aningaasarsianit akileraarutit pillugit Inatsisartut inatsisaannut allannguutissattut siunnersuut inatsisaat nr. xx af xx 2010
2. Inatsisissatut siunnersuummut oqaaseqaatit: Nalinginnaasumik aninginnaasumik oqaaseqaatit
3. KANUKOKA-p tusarniutitut allagaa 12. januar 2010
4. Qeqqata Kommuniata KANUKOKA-mut akissutigigallagassaa.
5. Aningaasarsianit akileraarutit pillugit inatsisip allannguutissaatut siunnersuummut oqaaseqaatitai ilanngullugit allakkiaq.

**Aningaasaqarnermut ataatsimiititaliap februaarip 9-ani 2010-mi ileqquusumik  
ataatsimiinnerata 01/2010-p imaqarniliornera**

**Imm. 24 Atorfeqartitanut tunngasutigut paasissutissiineq – februaarip 1-ani 2010-meersut**

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

Maniitsoq:

1. Atorfinitsitat

Suliffik	Ateq	Atorfik	Ulloq atorfiniffik
Angerlarsimaffik Neriusaaq	Amalie Platou	Sundhedsassistenter	1. februar 2010
Angerlarsimaffik Neriusaaq	Anders Agerley	Fysioterapeut	1. februar 2010
Atuarfik Kilaaseeraq	Daniel Skifte	Timelærer	1. februar 2010

2. Soraartut

Suliffik	Ateq	Atorfik	Ulloq suliunnaarfik
Atuarfik Kilaaseeraq	Sikkersaq Heilmann	Timelærer	28. februar 2010

Sisimiut:

1 Atorfinitsitat

Suliffik	Ateq	Atorfik	Ulloq atorfiniffik
Området for Familie	Ida Abelsen	Socialrådgiver	1. februar 2010
Området for Teknik- og Miljø	Mathias Dahl	Byggesagsbehandler	1. januar 2010
Sukisaarsaartarfik Sukorsit	Kaassannguaq Schmidt	Medhjælper	1. januar 2010
Området for Uddannelse	Ane Siegstad	Afdelingsleder	1. februar 2010
Kommunekontoret i Sarfannguit	Sika Berthelsen	Overassistent (leder)	15. januar 2010
Qinnguata Atuarfia	Bea K. Jensen	Timelærer	1. januar 2010
Utoqqaat Angerlarsimaffiat	Karen S. Davidsen	Assistent	1. februar 2010
Utoqqaat Angerlarsimaffiat	Margrethe Berthelsen	Sundhedshjælper	1. februar 2010
Integreret daginst Kanaartaq	Martine Berthelsen	½ dags køkkenmedhjælper	1. februar 2010

2. Soraartut

Suliffik	Ateq	Atorfik	Ulloq suliunnaarfik
Vuggestuen Nuka	Laura Sebulonsen	Socialhjælper	31. januar 2010
Stabsfunktionen	Mads Pihl Rasmussen	Projektmedarbejder	28. februar 2010
Integreret daginstitution Nuniaffik	Kristine Karlsen	Socialmedhjælper	31. december 2009
Specialskolen Qilalugaq	Nivi Heilmann	Lærer	31. januar 2010

3. Inissaqartitsinissamik utaqqisut Sisimiuni

Suliffik	Ateq	Atorfik	Ulloq atorfiniffik	Init qassit
Området for Familie	Ida Abelsen	Socialrådgiver	1. februar 2010	4

**Innersuussut**

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

**Aalajangiineq**

Sisimiuni socialrådgiver Edvard Larsen 31.1.2010 soraartooq ilanngullugu nalunaarutigineqarpoq. Paasissutissiissutitut tiguneqarpoq.

**Ilanngussaq**

Ilanngussaqanngilaq

**Imm. 25 Tamalaat**

Karl Davidsenip uparuarpaq oqaluuserisassat arlallit ataatsimiititaliani susassaqtuni eqqartorneqaqqaartarsimannginneri.

Karl Lyberthip puisit amiinik tunisisarnerup illoqarfinni unitsinneqarnera ilisimatitsissutigaa.